

黎城縣志卷之四

藝文志

程大夏曰天地之氣自北而南所謂寒氣蚤來

暖氣蚤來是也即皇王崛起聖哲挺生三代

上悉起於北文章亦然自鬻子著書繼以禹


徒宋大夫而文運始南前此皆在北也河洛

之於先六籍承之於後千古文章變比治焉詩

書春秋傳中黎亦附見一二而箕山一歌在鄉

雲喜起之前雖不必出於正史亦採入以冠黎

(25228)



邑詩歌之首蓋因其土人相傳箕山在黎境故也餘仍將舊志所載者編列於後以見此邑人文之盛不自今日始也

經

周書西伯戡黎

西伯既戡黎祖伊恐奔告于王曰天子天既訖我殷命格人元龜罔敢知吉非先王不相我後人惟王淫戲用口絕佞天棄我不有康食不虞天性不迪率與今我民謂弗欲畏曰天曷不降威大命不孳今王其

如台王曰嗚呼我生不有命在天祖伊反曰嗚呼乃罪多參在上乃能責命于天殷之卽喪指乃功不無戮于爾邦

爲人所戮勢甚微矣然戡之者乃西伯也去滌穀之主而慶大命之孳不已樂乎黎在商周之際已與江漢汝墳同被作人之化矣故錄之

衛風式微

式微式微胡不歸微君之故胡爲乎中露式微式微胡不歸微君之躬胡爲乎泥中

衛風旄



旄 之焉兮何誕之節兮叔兮伯兮何多日也  
何其處也必有與也何其久也必有以也

狐裘蒙戎匪車不東叔兮伯兮靡所與同

瓊兮尾兮淵離之子叔兮伯兮哀如充耳

按朱子註式微二章曰此無所考始從序說以爲  
從爲繫匪勸其之詩列女傳則分前二句爲閨  
人節莊夫人歸將而作後二句爲莊夫人答之  
辭劉勰則有貫今亦無辨其爲繫臣黎天下  
惟其詩之有於下篇風  
者有知此亦足高矣

春秋晉滅赤狄

宣公十五年夏六月癸卯晉師滅赤狄潞氏

子嬰兒歸

左傳晉侯立黎侯

秋七月壬午晉侯治兵於稷以畧狄土立黎侯而還

按晉伯宗言狄有五罪奪黎氏地其一也春秋  
晉滅狄以其君歸皆加貶詞畧狄土立黎侯皆不  
書所以惡晉也今黎  
侯故城猶存其蹟

古詩

許由箕山歌

登彼箕山兮瞻望天下山川麗崎萬物環曾日月  
照靡不記賸游放其間何所却慮歎彼唐堯獨自愁



苦勞心九州憂勤后土謂予欽明傳禪易社我樂何  
如蓋不眴顧河水流兮緣高山甘瓜施兮葉綿蔓高  
林蕭兮相錯連居此之處傲堯君

按黎城北接遼州唐改為箕州所屬榆社縣又有  
箕城則此箕山較他處獨著而河南登封縣後一  
陽城意者禹蓋俱近於彼而此山為許由所隱乎  
世傳以為其墓在端布崖下故不得不附錄此詩  
其確否不  
必辨也

五言古詩

石勒城

宋孫渤

微澤山峽開有地窠  
縱姿相異圖  
孤城出雲層遺址尚千丈我來一

嘯起亦奇才晉室方愷懽敢與

按孫公在宋崇寧中為黎城令至今民稱有遺其  
姓字者惜其政教不待讀其詩可以見其人石  
勒城原在黎東石城里今已折隸平順縣而後志  
之者

李冲虛入鄴賢

國朝田喜霽馬邑

天則有日月星如有瀆噪塊然處其中三者競方埒  
意哉李君死其爭不可滅弱冠他文吏落拓吐一切  
門南修至行色養無言能守此父母其律度嚴如鐵  
教子守一經狄門桃李列當其受生徒非與諸兒別  
大公奔物我飽寒坐彌憐憫人樂存其歌誦無頑劣  
斯文方在茲國步遭變八表埃同昏盜賊逼中園  
疇昔諱忠孝縷縷痛心血雖乏彌以責此志不可折  
被髮走佯無豈敢謂明哲顧此百年內一息猶未終  
無河遠氛氣上黨皆誓請義御賊難長安府常

從容決大義日暮風慘烈至今讀遺文渾慟氣幽咽  
升恒無停舛坎流無斷截斯人不可作誰與歷霜雪

又

鴈曰馮雲驥 博士

停彼前賢嶽抱道天爲黨仕隱守儒官教學日相長  
茅屋影孤燈迢迢萬古想星辰羅胸中宇宙悟指掌  
獻歌歸吾廬獨善謝輸缺小腆忽風塵經德寧回來  
一死重泰山大義明天壤高節感愚頑正氣驅魍魎  
五龍何盛盤潞水浩泱奔山川神秀鍾名範垂英朗  
吾徇讀遺編蕭寥肅俯仰

沁州吳 典

出處有顯晦道存身彌光孰是隨所遇而克盡其常  
先生顏閔徒宿昔振芬芳教授鄉里開學行篤且誠  
遺子惟一經不問蓋與藏高節激頑懦鼠雀爲之亡  
廣文過忻代青氈寒自將造士信有術令聞騰膠庠  
忘悠終險艱形勢各蒼黃公獨掉頭去清白凝冰霜  
上黨天下春盜弄滋猖狂向微保障資寧免玉石傷  
我聞捍大患祀典則不忘况後濂洛派覺後啓無疆  
聖門聚德星畫省更含香春闈與秋菊俎豆永相望

又

浙江郭 演

河汾傳絕學千載難爲嗣先生起黎城卓犖深道嗜  
斯文未喪天吾道寧墜地絕學一旦宣心源豈復二  
忠孝爲藪粟仁義等衣被廉頑而立懦敏捷於行意  
人畏彥方知市爲公超至矯矯猶龍姿一官豈其志  
險難履如夷從容卒就義弟子固廬塚鄉人亦私謚  
輿情久益思俎豆忍泯置遺烈比桐鄉盛典賁沫泗  
鐘鼓歷大昕光靈儼在位粲粲門子趨晨葩鮮莫儼  
頤蓋京華開寤寐懷前懿末學競文辭聖應走勢利



不知瀟洛後幾人得無魂  
砥鏑激顏波壇玷更新幟  
聞風願努力憂來不能寐

李氏節孝詩

李母王孺人  
金子占黃

竟陵譚

篆  
侍第

渾源嶽嶙胸氣淑河漳瀨  
僊媛粉臺古不燒  
苦髮新  
馬生孝廉母賢哉  
節孝人俯仰三世聞  
至行溢天真  
世德相承藉奕奕  
振華簪褒封符  
朝典公論協鄉  
評方今清晏日八荒拜  
思編策勲盟存外忠孝  
百微次及節與義咸得邀  
殊榮懸知  
叫鳳詔早晚  
下黎亭

竟陵譚

篆

出義亦素毛蓋  
奉亦殊門千載清  
江上再傳了不聞  
吳哉節與孝子母後先承  
孝初緣節痛節復緣孝成  
圭堂羞甘驪入閣  
茹苦辛雙鱗冰可躍  
一燕絲長紉  
石堅抱山骨松勁老霜稜  
蓬首終婦職蒿目振家聲  
密陰藹蕙萬秋旻鸚鵡橫  
含笑捧毛檄和怡長田荆  
母曰吾類卑可以慰爾親  
子曰志未逮罔極地天恩  
異哉節與孝淑善鍾一門  
采風國十五唐魏風尤古  
在魏歌陟岵在唐歌  
馮羽仁孝本天成  
聲光動海宇

我生非空桑繫獨無父母蓼莪不須刪南陔良可補  
紀李母王太孺人節孝  
朔方劉芳猷

從一貞門內中途喪所天苦節原非幸純孝至今傳  
卓哉李氏母閨壺稱大賢似姑能比德事舅竭誠虔  
先意奉甘旨和羹手自煎更遣諸孫侍嬉戲老人前  
十年如一日終事治牛眠喪具稱其有那復惜金錢  
曰予成夫志不使遺憾焉五子遵德教成名疑竇燕  
誰謂鬚眉事竟爲巾幗全至性非由學從容出自然  
邠國蜚聲譽海內贈瑤篇方今

天下聖躬行教化先拯風入影疑懿歸德年

頌李公純孝

劉芳猷

捧檄爲誰喜入官敢負親忠孝無殊理朝廷雅重倫  
爲念天台令母賢子復仁賢母遠寄言其言朴以真  
寧爲上官怒莫使閭閻嘆賢令秉之行琴鶴但隨身  
當事表其門孝子而良臣差彼營營者駕言奉所親  
安得將母言徧書使君紳

七言古詩

嘉靖己酉四月黎城院中憶去歲茲辰出按抵

朔屆矣述以自樂

明黃洪曉

御史

去年今日黃金臺  
郵亭尊酒醉顏開  
車前遙指燕然石  
萬里炎風去復來  
越嶠衝星太行路  
天高暑薄清  
清露悠悠不覺冬  
與春過眼朱明逼  
秋素丈夫許國志  
如何塵埃拂拭劍  
光多欲刺長鯨瀚  
海外先除猛虎太行  
阿日射五雲天  
闕迤洎泮頰抱憂  
時病漢槎周史媿  
官常幾度低回思  
帝命



避難槐窰城

居藏書爲  
亂兵所挾

國朝李甲黃 邑人

粉蠹帶腐是夙根生平飽噉惟香芸胡珠不厭剖腹  
貯奪我之好誠可矜卅年資書家如故綺羅梁肉思  
匪存銖積寸累交書買購得一函如獲珍名山汲塚  
有異帙汗牛繭趾弗辭辛寒至輟衣餓餐食妻帝兒  
號不關心歷年聚之敵自城天祿石渠身所親圖論  
世亂與世治自顧其囊曰不貧今若古稽誠快事幸  
可窺處歷寒暄恐有兵燹窺以有藏之於壁教古人  
謂爲不奈而亦火線繡繡舊世炊薪吁嗟余以爲贊  
厚良志良居與故人儻再善燈而對酒拜室焚香遊  
子身先幾之哲弗與俱慢藏是誨余自嘆

荔園爲亂兵所踰

李甲黃

古云老去謝萬緣止餘一事謹相關春來惟在花開  
落余之癖性頗類焉本非奢麗豪華子隱者之所爲  
如此誅茅選勝三畝餘匠意經營高起止一亭一池  
竹千竿碧油隙裏雜花妍曉紅搖露香光幻晚翠飛  
涼聲影繁自謂是鄉老足矣披襟酬韻差可喜吾友  
周仲曾爲言主人不出良有以南鄰官道十里多甲

兵洶湧如洪河斯地若逢賞鑒主帳房宜駐幾駱駝  
新松細柳弗供爨遊戲揮金成寸斷柔花弱草交馬  
蹄糞深一尺尋不見吁嗟噫嘻傷我心數年拮据委  
征塵轉眼風和忙青帝當於何處可棲春

贈君李養志崇祀鄉賢

上鄒程正緒

解元

學何爲乎期共礪仕何爲乎期克濟仕學果能不媿  
心不在崇高之氣熱乃冲虛李公真其人蓋棺已久聲  
名新於今祖巨宮牆裏春徃秋來薦綠蘋憶昔生中  
宮玉峽循循內行庭釋洽一派天常樂有餘縹緲薰

卷高樓壓詞源掣電聲非頃晚年上國來觀光鄭度  
官冷何須道安定換湖教澤長宗藩子矜時相左爲  
之調燮無水火廊廡經營見聿新書契竹册斯云爰  
米脂怒浪尋滔天金甌倏忽沉重淵徒跣佯狂歸粟  
里紫芝堪茹商山巔前此家園頽寇警懸崖斷壑提  
綱領貧富相依獲瓦全比鄰乃復歸鄉井迨至雲中  
沸若糜黎候黑了夫安支先生不肯留塵壒沆瀣任  
然騎尾箕一時春杵無人相狙公午夜啼聲放自與  
狂狷伯仲問方知月旦非虛誑嗟哉天下多夫大崔

軒虎冠隨長祖惟有修名垂不朽聞風起者無時無  
積善已看家慶久司空以下皆瓊玖還有馳封滾滾  
來非徒聖域仰山斗

又

祁縣李而洵

襟曰桃花帶曰漳奇人資以祭長祥蟠根仙李稱名  
族代植良材肯構堂我羨同宗先賢氏天經敦篤誰  
其似曲推親志友墳篋盡讓膏腴如藥徒穀不盈倉  
書滿闕却摻丘索作弓裘折衷送難風兼雅載酒鉤  
蘇與熱恒念天地生益已人同祝渾無迹偶於

村曰蕙深交燕以麥角國所惜猶憶扶搖出  
山千仞入青冥長年話到兵戈日雞犬安舒勝避秦  
帝弼秀容首蒨宴講堂錯落旃檀片相將道筏渡群  
迷豈但文壇歌一變造士先期安聖靈立傾囊篋助  
新硎空中鳳舉燃藜閣棟外雲生釋菜庭時如曾與  
聞越寇掛冠歸去屏山岫曠絕重逢魯仲連乾坤大  
義先生就人生生死果何常獨遜先生隱益彰身向  
春秋分俎豆風隨山水配高長澤流德里增餘慶詰  
翩翩麟鳳併三異夙標馴雉猷百工新屬鳴鳩政



展庭模正未涯芝蘭繞砌發奇枝森森倚映梧桐  
老樹德方知務其滋君不見元禮網維身自任松風  
謾謾垂榮蔭苟師陳友郭同舟聲譽千秋誠無甚

李氏節孝詩

崑山徐乾學

繭絲不作晉陽尹掄將却似譚大夫向余索詩表節  
孝丞哉意不在簿書節以氏王孝子李闔門雍肅作  
指模受茲介福蓋有以永錫爾類良不誣前史作傳  
貴難能勢而封股身書諸此事人之所易到實可風  
世而豈徒君家博見求史筆記此有徵後代類無詩  
不貴無爲作世有無此丞自殊已人及時相勸勉之  
或不久飛仙鳧

又

長洲金居敬

黎於春秋爲侯國其臣有詩入邶風詩以諫君且責  
衛不憚淹恤爲君躬吾讀二詩甚感激教化未息士  
僕忠陳侯作丞古黎城欲與六行所治中爲言縣人  
有李氏母節子孝膺褒崇於高關時里閭勸諸地  
瑛嶼宗工攜來一編節孝錄讀之一過如發蒙是母  
是子非奇詭民鮮久矣能中膺安得黎人盡如此五

常之義古所同爲語此中賢士女李氏令名今無窮  
強教悅安有次第丞亦莫謾但哦松

又

上邨呂和鐘

士人論世亟彛常瀏覽千秋每激昂况有仁賢在我  
側詩歌詎可緩表揚隴西甲族擅黎國策名修業久  
輝煌造化精英萃一家母儀子道悉芬芳休哉禮法  
羅鍾氏生長名叫習躬父於歸百兩御鸞巢提汲挽  
車賢莫匹擔來江水不辭遙割去瘦瘠危志已未幾  
河臨知所兩髦髦

祝諸孤學問成森森挺生復秀發或騰膠序或蓋城  
魚梁卻鯁同謔母仁恕濟軍比憲英睦鄰贍族匪一  
日濟困扶鎮遠近稱稱母貞兮稱子孝百方先意慤  
色笑荆樹麟响高入雲璠麓和好協雅操始豐捷本  
著清名馴化陳元進子道解龜旋返寧爲尊心動馳  
還應母召往文伯之母教勤而不疑之母喜仁豈若  
有唐李氏母兒子斑自猶榜曠以故景讓與景莊家  
稱孝子國良臣今李嗣徽前時李宜乎同聲求恩綸

又

楚竟陵程大夏

韓陵危石堪共語北來徒說溫鵬舉我涉大河登太行  
行風氣悲壯美北土厚水深異人生絳州碑存碧  
落文此碑書者孝子李高古見稱李陽沐卓哉李氏  
代有人遙遙華胄起黎亭百年聲望何自始有母曰  
王毓其英以事父母事舅姑姑先舅殂劇悲辛羞以  
滑甘佐孝養夫繼姑殂子伶仃上事舅兮下鞠子子  
婦母父總一身天憐節孝成雙美錫以

豐嘉祥

五幹如桂竹森森華裾三葉蔚然起題門節孝大褒  
旌孝婦之後有孝子天乎不爽報與施子以孝名孫

後慈闈揚先德蜚譽遠聞野巨筆褒嘉之我來感聖

欽世心一門數世良可師大振風節是事風流不

墜喜在茲嗟爾邑人感功表益循維烈其誰繼純孝

貞節凡八九此日褒崇大聲施噫嘻哉高節高於比

極山清操清於玉泉水好將貞珉豎山椒淳化絳帖

附以此

又

武鄉史 珥

變尤迭換扶輿走誰能撐今伸臂肘會須有人奠綱  
維不問鬚眉與箕帚天產夫人適李公家政紛紛決



可否夫人饒有樂羊賢薛靈伴讀相賓友諸姑昆季  
式芳儀比黨戚屬欽令母曰夫聲藉滿膠庠白玉樓  
成逐帝鄉柏舟矢志堅如不金玉清涼雪肺腸如熊  
晝茲以子息好將彩筆繡文章世家閱屢科名蟬  
聯冠蓋感容纓惠隣睦族輕財產傾奩倒篋無私營  
安知巾幗舉世婿定無閨閣兒女情當事聞之旌表  
來里門燦爛映泰階行看 詔書九重下 天十爲  
祭懷清臺

初夏看白巖寺牡丹

邑人高景斐

自訪名花學野遊  
得之古寺白巖頭  
白岩寺中何所有  
牡丹灼灼驚雙眸  
芳錦叢中孰富貴  
梅花雪裏春  
豔收探春莫探桃  
李坊國色共推  
惟花王蔚然初  
夏紅堪羨長安市  
上歌天香當年隴  
客名如電自飄  
鶴鰲詣京縣酣飲  
長眠酒家樓承恩  
屢上金鑾殿花箋  
特賜酒未醒揮毫  
賦就沉香亭微辭  
雅意存頌賦如  
子在側其誰聽  
鞀鼓一聲關不守  
千乘萬騎咸西走  
翠華遙遙越劍閣  
洛陽名花曾何有  
不知此花存幾  
時幾歷滄桑猶爛  
熳我欲採之惜幽  
芳留真朝夕俱

佛看更欲培護大其枝風搖寶幢清香散

中方洞寄隱

土黨守德子廉司李

小亂避城大避山在山其人甚閉閉都有安居不可  
處爲時肥遯來間闕其崖石徑十數里突而險斷愁  
躋攀茨木萋萋蔽巖谷莫匪坎坷行步艱百武一食  
十一息後推前曳幾僂路汗喘不巳顏渾赭中道欲  
罷不可得計陟其巔匪甚遠行行竟已穿目力有泉  
可飲如中泠滿山香風藥苗青燕麥爲糧菜爲茹間  
口斷蓬當魚腥食草先食如意草胡出采苦苣米苓  
對虎滿地無可恃此間似可以免死誰生險遠爲亂  
用從來造物預經理坐忘嗒喪屏萬有翹然禪靜一  
開士少室古衲聞面壁則而效之亦如是

登馬鞍山

高垣雲

雙峯吼律聳雲間俯視千山與萬山層巖翠壁凌霄霄  
漢恍疑天馬下塵寰太行北來多奇賞五龍發鳩雄  
上黨獅子韓國本獍狺黎水艷稱白巖蟠弓有駿骨  
丰稜起騰驤何必日千里稽占負圖出河中騾褭嘗  
從穆天子不數秦家鐵駟羣漢時得之渥洼水無端

誤值太行車，矯首頓足長嗟吁。孫陽一顧空冀北，攬  
轡躍躍入雲衢。於今皇路正昇平，大展逸足任所行。  
閨人安得施閑繮，始信當年伏櫪心。君不見雲錦鸞，  
玉華駿，共眼誰不羨。游龍誇奔電，逐遺風，霜蹄不數  
汗血紅紫燕。青驪拳毛騮，金鞭玉勒重天家。雍雍衍  
漏立天仗，烽火驚人踏風沙。練光照曜空千古，千騎  
萬乘何足數。不信試看馬鞍山，依然騁駟騷騶諧。

五言律

四無堂

明謝榛才于

政簡獨傑尉，終朝堂宇閑。名傳九有外，道在四無間。  
能了憂來事，何慚老去顏。悠然白鶴仰，雲蓋見青山。

秋日有懷

焦繼

日永庭偏索，蕭然兀坐時。一官成潦倒，三載媿棲遲。  
政簡非才短，操清豈徂卑。故園常注念，松菊近依誰。

署庭植槐

張東銘

官卑修三事，庭閒植四槐。祇緣清陰重，不惜手親栽。



時雨願常潤狂風莫浪摧甘棠亦偶爾千古頌猶纔  
玉泉觀 張東銘

山徑通 圃停車夜未央數家燈火夕一帶水雲鄉  
問俗知風古觀瀾引興長塵纓何日濯徒自羨滄浪

官陽十咏用杜老白頭趨幕府深覺負平生十  
字起句 張東銘

白日坐岑宗掀髯每獨吟蛛絲羅戶滿秋草沒堦深  
警惕懸三異優游玩四箴苞苴無地入不愧古人心  
頭上天應鑒心閒事每誠一毫原不染萬物本來輕

水... 以類 亦忠遂日許何口答休明

趨附吾偏懶逢迎衆所同貧知爲吏拙愁覺賦詩工

... 幽徑松篁... 曉風慚非氏社主何處同疲瘵

幕職應無忝卑棲亦自安三槐... 貴一命謂非官

... 鶴分食殘書兒共看不愛... 曠... 荷聖恩寬

... 庫額常足宦囊敢計空天時應有數吾道豈終窮

... 日心恒北瞻雲目屢東祇愁閒釀懶運甕學陶公

... 既無人跡陰移欲... 天浮雲連復斷飛鳥去仍還

客久思鄉非官闕媿俸錢日須書咄咄莫賦索居篇

覺處皆成幻，垂思要息機。病惟愁藥少，貧不厭官微。  
庭草留應是，園葵去豈非。清時無一事，重鎖署中扉。  
負性已如此，爲官將奈何。寸心常是赤，雙鬢任教皤。  
琴破家貲損，鶴添口數多。翻思渤海畔，開却舊漁蓑。  
平叔才何短，嗟成祇四愁。諸方皆告困，萬姓更堪憂。  
多病微軀在，無能長吏留。丈夫經世策，端不爲家謀。  
生當叫盛世，遭際亦云隆。勢分微官外，行藏大道中。  
西書時倩吏，洗硯日呼僮。拊髀求無媿，虛名奚欲窮。

過蔡城行宮書行

明御史

卷

祇以簡書急，西來盡日行。峰嵐開高面，雲樹遠層程。  
杖策高還下，臨歧跋又平。如何窮暮夜，方許到山城。  
行來朝又暮，猶在亂山中。洞古雲常住，岩深雪又融。  
征車愁傍嶮，薄服強禁風。安得瞻周道，悠悠任玉驄。  
狹路重關起，風吹撲面沙。懸崖深似海，怪石亂如麻。  
戰鬪昔三晉，車書今一家。天朝數未末，許界中華。  
纔度深山外，相看又日西。春寒初駐馬，時晚漸棲雞。  
問俗遙通晉，巡方近入黎。未許誇險勝，荒歎正棲棲。  
北坊花下小飲

陽羨陳宗石

探幽勞屐齒，選勝北坊來。白石泉流細，山花已爛開。  
解衣聊自適，狂嘯任人猜。忽憶蘭亭侶，登臨愧不才。  
斗酒詎辭醉，黃鸝正好聽。春風花帶雪，日暮柳偏青。  
對景難爲別，求歡莫暫停。從茲揮手去，何以謝山靈。

遊溫泉寺

邑人李 吉

一過溫泉寺，崢嶸入翠微。叢樵徑，穢狐穴，屐遊稀。  
峻嶺衝新月，雄關掩故扉。譚深山色暮，欲待曉鐘歸。  
遊白巖寺同李坦公

卞南郭遇熙

蕭寺峻，嶒起毫光開。危巖插雲歎，蟠巖走丹臺。  
人看松古風高聽，燕喃垂石流。春色媚坐久，濕衣衫。  
深院靜，芳塵名花不計春。留欄覓玉潔，倚盤憶佳人。  
浥露堪傾國，迎風更繫賓。信言佛力護，枯後得生新。  
步前韵

邑人李 濂

春光來野寺，選勝入幽巉。清磬傳高殿，開雲度絕巒。  
空山僧寂寂，小院燕喃喃。時有香風至，飛花點客衫。  
咏當門青山

高步墻

好山如好友，情興與之宜。風雨任嘗聞，炎涼無異時。  
莊莊君子德，矯矯幽人儀。瞻就多丰韵，敲詩益我思。



送張中宿

高星雯

別酒漳河邊斜陽對嶺圓林泉呈異色客主快奇緣  
健筆蟲離易長途鞭着先同心懸屋月如在梅窻前

通戚里馮將軍祠

高垣雯

炎漢山河改將軍祠宇留旗標多如血劍落莎車頭  
威震賢王懼名傳大宛愁功高誰若此遺恨不封侯

送少尹陳子萬

高漢雯

燕市春光好儒書促故人銜杯臨綠野攬轡逐紅塵  
不憚河山險翻驚歲月新人生重久別魚鴈莫辭煩

過皇祠

高漢雯

古皇雲日下佛號呼女侍班珠佩玉璫  
爐開平楚闕雪點亂峯餘再拜謹譁靈蹤以備其  
楚天不待補楚鄧陽有靈貺此山開靈殿橫立花  
簷蔽野來布金回伎佛放子半郊襟髮辨迎青雀雲  
冠下九垓

嵐山

程雅

探奇須絕巘峭蒨而菁葱洞小凝殘雪松高響細風  
擲泉春酒碧藉石野花紅酌事千秋在客心惜轉蓬

狎

程大夏

省耕吾所事出郭趁芳風松徑轉蒼苔  
人呼懸磴上鳥瞰夕陽中還欲捫蘿  
任結亭萬木

祝程明府悟齋夫子 二首

李吉

弱冠才名重仕強三十多聞中閱世  
政事人留譜文章家作科西江浩瀾  
海內尊山斗伊川又一元承家萬石  
久治邑一車  
白嶽迎仙吏丹書 高士臣黎人齊手額此日慶

申

秋林靜觀齋夜坐

李甲黃

虛堂坐入暮夜色黎焉繁木末來涼  
意花巖明露痕  
杯邀太白影窻歛小青魂童子垂頭  
睡凄清不可言

秋郊

秋意多於野蕭容逐處逢遠汀蘆盡  
白近圃棗尤紅  
蟬咽臨風樹蟲吟就日叢無端歌思  
動凝日曛飛鴻

雪牕

李琪黃

彤靄著新寒迴風雪舞攔巢封藏鳥  
韻磯白冷漁竿  
猥逕尋香杳連雲窺色難遠廬饒遠  
思錯落幾回看

七言排律

式清亭雪月聯句

時叔雅子方蕙程大夏方蕙讀書亭中

程大夏

春城殘雪蕩晴曦

夏

坐待東山月上時  
退省堂空開

玉鏡雅

式清亭靜擁臯比雲橫鴈陣衝星過

大夏院隔

松聲帶漏移雅

一榻

高懸留韻士

大夏

半窻踈影動詩

思方蕙簾陰晝寂忘官廨

雅

篝火宵分映客帷

方蕙 堪煮

偏勞慈母寄綠衣敢效嗇夫私

大夏

不堪伸叔片肝累

雅

寧受大人四練疑

方蕙

暇日貌豐餐杞菊

大夏

樂郊花

滿植榆籬

方蕙

懷仁桑壘存三異

雅

受事冰心凜四知



大求友類來千里駕雅懷君欲進萬年厄夏時  
蔚藍一色天如洗雅良宵清景醉莫辭大夏

象晨鐘如響寺無基白巖獻芳障早北三輝落

照遲共羨玉泉石漱好田溪冽水更滴滴

贈新橫山

張遵約

早起披襟坐石牀終朝竹素閱雌黃山川神鬼歸  
風俗人民頓有光千古儀刑憑彩筆一方信史  
青箱董狐况是邠先哲贏得芳名與並揚

分司病中漫興

蒼谷王尚綱

公私執掌病還生千里行山雨月征獨戍瞻雲天關

疎柳沐雨夜堂清世情老去推元亮心事年年  
平長臥不堪問藥裏他時出處記黎城

白岩寺佛前牡丹

荆州謝 過

各種何年到上方問僧摩碯總相忘生來富貴羞

藥裏人清涼佛香九月霜摧容未老三春花

偏在道人莫作尋常看

一官第初黃蓋行至  
一呼我主許夢觀其  
一者已極矣至今花  
莊道人

贈程侯之任黎城

李用楫

三川垂楊正可攀送君西去盡青山簾前神雀應須

集花裏鳴琴亦不闕此日黎侯仍舊國政成吾略有

巖開漢庭佇望龔黃切念我能無驥使還

又

陳維崧

荆楚爭傳才子名飛鳧暫向古侯城漢庭經術推高

第宋室真儒羨二程潞水桃花迎去

門煙柳耿

行旌春風噓植原應遍愛弟相依慰客情

白巖寺

陳宗石

荒山蛛網封朱戶峭壁于今倚粉侵麥浪遠翻如錯  
繡嵐光新洗好披襟千年老寺人稀到二月名花我  
獨尋讀罷殘碑增悵望流鶯啞啞助清吟

戊午署中除夕

陳宗石

平生歷落感偏多敢謂卑棲喚奈何薄祿可能活  
聖澤荒城循幸接春和無聊夜聽山風吼有意時看  
塞鴈過說道年華明日換蕭蕭松下只長哦

春晚八退省堂

貴池柯懋培

雲台山城微氣濃堂高退省自從容欲看蓬萊羽騰雙

漫曾託閒吟對雨松玉函冰動春水急金牙日落

雲重公餘何事足幽賞茶鼎香清待晚鐘

原泉

吉州張文經

青嶂崔嵬古殿秋潺潺洞裏瀉清流香岩碧柳搖金  
線拂浪香輪擊玉球峯峭入天懸瘦石井沉琪地隱  
蒼虬倘伴日落擁雲卧遍枕溪聲喚客愁

白巖寺殿前牡丹

張文經

誰把優曇種弱籬梵幢坐擁見瓊枝不隨禁苑闕嬌  
色偏向空林隱異姿綴露朝含紅藥燦翻風夜醉碧



羣芳賦  
卷之四  
欄欵想同說法天花落惹得騷人引滯卮

白巖寺

潘隆

白巖山下古招提殿閣平  
臨落日低夾道高林垂  
沼密曲欄芳蘂映堦齊  
一春無語僧相問三月花香鳥  
亂啼尤喜寒登書大有歸來乘月過清溪

白巖寺

許世城

名山何必羨天台  
但使幽深足往來  
檻外雲光浮佛界  
院邊花氣透蓮臺  
空堂遠引諸峰淨  
野徑斜分幾樹開  
指點巖頭流水處  
依稀只見紫霞堆

李冲 五入知真

萬應王舜民

山斗高名久播芳  
祠宮松檜晚蒼蒼  
了寬經術傳多士  
王烈聲譽振一鄉  
俎豆分庭同往哲  
弓裘奕世賦仙郎  
從今閭里欽遺蹟  
潞水清風萬古香

又

三原房廷

芳塵穠穠出僊家  
吏隱曦陽卧絳紗  
身倚謁松懸帶翠  
庭栽寶樹金生華  
慎教伽北分蓮火  
因效隴西散竹花  
此日美鶻新壁水  
千秋仰止繞丹霞

又

饒陽符應瑞 工部

文中風範幾經年突有先生起黨天理遠晝前結綠  
字性澄杲日映朱蓮龕堂雨化三千士樽俎烽消萬  
里燿科目紹庭陟水部絲綸 詔下丞署筵

又

高陵楊麟

古語曾聞君子儒先生素履著前模居鄉里化彥方  
俗教士人稱安定徒當是采山馨一桂自宜兩廡對  
雙梧采風車過霍州道靈應嘆月川德未孤

李節孝

王大馬人  
金華古黃

竟陵程飛雲

霜封肅立松筠餘行與性 八堂背背孤遊古歸漢

寂和熊夜永杼聲喧名高李衛才何幾代起模歐學  
有源 聖世作忠先孝治行看六闕樹君門 楊炎三世行  
在門對

又

彭孫通

淑媛早詠柏舟詩令子情深捧檄恩華髮不難供客  
饌雕胡長自奉親慈一門節孝真無比千載芳徽洵  
足師何但聲垂彤管內林宗端不亦碑辭

又

陽羨陳維崧

上邨舊爲天下脊君家高節倍嵯峨秋燈暗訴青陵  
恨夜雨長吟黃鶴歌凜凜冰霜心獨苦蕭蕭織紵髮

先睹 聖朝最重旌門典早晚驚童下路河

又

古歎程麟德

讀書庭戶自長清此日移天志已成  
粵竹到梢皆苦節湘楓須老得香名  
冰心畫荻成蘭氣茶口哺烏作鳳鳴  
聞向花封勳邑養共留芳躅在黎城

又二章

李元振

貞比嚴霜玉比姿艱辛歷盡志無移  
辟繡寒夜烏啼曉晝荻深  
樹燕語遲若問遺孤母是父誰知  
阿舅婦為兒郎今五桂庭前茂若  
誰從來後宜

曳綬曾分列宿光玉墀天姥憶甘棠  
清風夙爽冰霜忘膏雨總傳鞠育方  
昔日崔車嘗自導只今萊舞更難忘  
聖朝褒錫惟忠孝蚤晚恩綸出未  
次

春日登金牙山

邑人崔道岸

嶺巖危峻接太微遠日絕壁鳥斜飛  
千層春色懸樹抄一片晴光照人衣  
石洞難窺滄海影晚霞宛對青城暉  
濡臺欲繪溪山景憑高坐覽竟忘歸



嵐山懷友

李濂

座裡嵐光傍晚移，懷君每恨野雲低。寒窻聽雨聲殘，夜画閣臨風望遠時。半世悲歌常載酒，三春花鳥漫成詩。相思咫尺銅鞮路，好向斜陽駐馬嘶。

登北極山

李濂

携蘿直上謁仙宮，鳥道千尋入蒨蔥。松杪鶴歸憐舊影，雲天泉落響新聲。霞飛峯遠光垂練，雨過苔深氣

飲虹策杖翠微天，尺五滄溟指歐太行。康

秋杪坐白官庄泉上

李吉

半山以下一泓開，萬樹霜紅映綠苔。石上踪留清韻在水邊，香送好風來。空林落葉秋聲起，虛谷鳴鳥夕照回。坐久忘歸懷往昔，蛩音瑟瑟奈相催。  
先生題清

泉白石四字鑄於石併有題詩

東臯晚眺

高漢雲

煙樹蒼茫落日輝，攜尊着屐覓芳菲。老農驅犢荷鋤返，遊客從禽按轡歸。極目南湖雲漸合，回瞻東嶺月

猶微一聲長嘯傳空谷幾點殘燈掩竹扉

外諸山二首

程雅

玉笋千峯入杳冥環城聳立瞰空亭  
樓書暖失梅花帳映壁光涵雲母  
屏背日蒼巖封嶙峋口鑿冰丹井  
螢龍腥林花飄瞥遙相望占斷春風  
榆柳青

二月江城花亂飄他鄉春色問柳條  
撥角輕陰初欲霽峯頭積凍未全消  
煙封香閣闌金磬雲動蒼溪認小橋  
領畧風光誰量勝遠邨桃杏可相招

壽文宗孫樞初先生

李甲華

天下文章莫大此倬焉雲漢共昭回  
驪黃外相驚天眼軋萬中消謫鬼才  
一線河汾衍夏土千秋鄉旦爛堯臺  
載歌晉進徵於變壽考不忘嘉穀來

檀雲思歸

誦古嘗欽歸老橋云胡自弗整還  
鑣青山知憶批莎長綠野空懸醜  
葛瓢覩馬莊生懷既適猶龍老氏德  
非橋何難一刷蠅營耻廣愛風圖尚  
可描

到牛山

李涵

遠出函關又見歸平原高樹勢崔巍映泉水解堪療  
渴塞草芽生可禦饑鞭石奇才須有遇耕田素願豈  
終違神牛睡足今當起盡墾荒蕪赤子肥

挽水部金漳人兄側嫂馬氏陸樓死節

李貞茂

明部

猶記安平初納時下車不敢進簾幙五年事主巾箱  
籠二載憂夫血淚垂金沐綠珠生自殞紅顏碧玉死  
相隨青節傳傳信史口去老吏挽君詩

五言排律

李冲虛公崇祀鄉賢

垣曲馬生麟

哲人垂典則遺範肅珪璋琬琰承禮祀芝蘭挺國香  
神蛟翔壁水德鳳翺高岡允矣邦之直翛然學者良  
三墳憑鼓吹六籍伏笙簧昔藉康成里蓬蒿仲蔚堂  
箕裘繩祖武籥翟秉天常岷岵懷明發墳蕘協瓊尚  
脫駭息自渥遺麥誼難忘太乙供藜火天孫織錦裳  
食萍江漢外修翮澗阿旁洙泗宗風遠河汾道脈長  
菁莪森講席樸棧見羹墻飲水思濂洛傳經洽梓桑



生徒盈絳帳伯仲振青緇瑞角鍾麟趾奇毛起鴈行  
火薪貽粟甲喬木蔭槐鄉雅抱真儒度尤懷烈士腸  
投林身似鶴履虎節如霜棄屣荆榛路披肝坎珂場  
險夷真一致枯菀豈殊綱月旦推公藝鄉評許彥方  
國人遺愛久孫子紹衣詳體作人倫表儀爲俎豆光  
於焉陳祝史用以享烝嘗赤牡呈雲錦丹盤薦荔黃  
榻煖無限澤梧捲有餘芳禮器瞻鄒驛儀型邈漢唐  
伊余欽仰止有願効趨蹌式穀平初流風著穆皇

青遊

寫山愛

竹樹濃陰地喜乘新霽天風輕花自舞雨過柳初眠  
長陌千林聚平沙萬頃煙鷺聲撼水抄魚影動溪田  
臺拂康成草池生茂叔蓮醒看詩裏西嶺傲飲中仙  
豈必登巖嶺差堪擬輞川餘霞猶散綺春靄暮山前

七言排律

式清亭雪月聯句

時叔雅子方惠程大夏

春城殘雪蕩晴曦大夏坐待東山月上時退省堂空閑

玉鏡雅式清亭靜擁皇比雲橫鴈陣衝星過大夏院隔

松聲帶漏移雅一榻高懸留韻士大夏半忘疎影動詩

思方蕙簾陰晝寂忘官屬雅篝火宵分映客帷方掛燠

偏勞慈母寄紙衣敢效嗇夫松大夏不堪仲叔片肝累

雅寧受大人匹練疑方暇日貌豐餐杞菊大夏樂郊花

蒲種榆籬方懷仁桑壘存三異雅受事冰心凜四知

大求友類來千里駕雅懷君欲進萬年卮晏聖壽節  
蔚藍一色天如洗雅良宵清景醉莫辭大夏

五言絕

餓民詩

張遵約

萬井皆紅燼民生苦饑饉危羸待斃時安得太倉賑

謁李衛公祠在靈禪寺前

忻州張天斗山人

功業高千古聲聞素所知欲忝無相法先叩衛公祠

寓居九龍山集唐句

潛江謝賜

路入峯巒影姚苔荒任徑斜李商隱南山有舊文張道

識楚人家溫庭筠

江漢思歸客杜子美關山月共愁高適因風望旆遠董思恭



獨上最高樓

趙蠟

山樵

李甲黃

每同草深處野人止我歸携童樵山徑坐看瀑泉飛

白巖寺牡丹

李題黃

峩峩巖石古  
花新但得春長在  
何須慕太丘

七言絕

白巖寺羣山環抱村落相望亦奇觀也惜乎無

水因作絕句書石當有水出

金李

晏

一有山光無水聲我疑神物固巖高如何鑿得飛泉  
出當爲山僧叱六丁

山寺尋春春已歸紫梅猶有折殘枝老僧兀坐如枯  
木花謝花開總不知

北極山

元連  
蔡孝廉

撐破白雲積翠環孤峯遙倚北辰閒  
黎川歷歷憑高

望幾點村烟落照間

和

元江受益 進士

奇峯翠嶽出雲霄更比終南太華高  
萬壑烟霞深有意向人招隱莫徒勞

繡屏山

連 棨

削玉青山列卧屏野芳如繡照人明  
天教遮護黎民國不蔽西虜討亂兵

和

江受益

翠屏橫列隔塵寰煙靄空濛映遠山  
千古若非佳勝地

地自雲安得一生閒

卧牛峯

連 棨

濯濯齊郊懶借名一峯突兀自爲情  
疑從脫駕桃林後芳草青青卧太平

和

江受益

不分山骨與牛形巖洞腹空石脊平  
恨殺農夫鞭不起一犁好雨誤春耕

原泉

無名氏

恨入神仙碧玉壺湛然靈府一塵無  
人間自有幽棲

境安用區區乞鏡湖

翠峯千丈俯清流雲樹蒼茫古殿秋  
聞道源泉有神物試將燒燕出潛虬

靈原聖井

明楊良臣 邑令

一泓深水出泉中弭旱能侔造化功  
萬戶煙村多賴神明自古與天通

暮冬過黎城贈張邑侯

謝榛

愛民化俗見君才父老相逢問幾回  
更使訟庭無闕雀共依寒 啄蒼苔

孤城遠近接人煙茂宰關憂歲暮天  
能使貧家安舊業閉門雨雪待豐年

大通寺見芍藥

石塘曾 銑

底事匆匆春已闌花時每惜賞心難  
翻憐野寺風光別麥已黃時見藥攔

和

張遵約

閒向招提興未闌廟堂有策展應難  
遣詩讀罷空搔首獨對東風一倚欄

和

張東銘



尋芳野寺見春闌詩護碧紗欲和難回首風前空悵  
惘名花放處獨凭欄

春日過白巖寺

右引

張遵約

隆慶己巳二月上旬子以省耕過白岩寺見前令  
李文簡公壁碣留咏蓋惜值春之已闌今幸春光  
纔半卉藪敷榮誠黎民本務良候也因口占絕句  
用書岩石以識一眎之興云

擁旄郭址眺晴原橫抹青山見素飛黃鳥一聲春白  
好杏花河待滿煙村

宿黎城分司有感

邑人李師凡

明御史

動靜無端敢妄分每於靜處見天真夜來偶解驢鳴  
意始信橫渠是至人

寄懷李金漳杏花苑

山東張四教

山西學道

把酒漳干日已曛最憐黎藿素雲相思但讀游山  
記何處登臨不共君

卧牛山

張天斗

苔蘚毛疎石骨堅春來芳草自芊芊無心壘斷爭馳  
逐高卧雲煙不記年

北極山

北極高登最上頭去天尺五問牽牛從來塵跡隔縹緲只許閒雲駕鶴遊

嵐山夜雨

李芳黃

躡屐高山看夕嵐山頭雲擁若冠簪漫呼野老占晴雨一夕潺湲沛澤甘

蕭寺晨鐘

古剎深深杳渺中何年荒徑野雲封蕭疎星月關山冷愁聽鐘音度曉風

壺口致謝

關塞極天壺口窄秋風南度陣鴻高靈牛因地致重險遙接遊城氣勢豪

黎侯古郭

青郊百里古諸侯淳古俗傳春復秋回首滄桑几幾變只今間眺興悠悠

白巖曉絕

山環雲抱鬱崔嵬曉散輕烟古寺開松外梵宮鐘磬寂名花自有異香來

金牙晚照

翠微深處眺斜陽，幾縷殘霞映太行。長嘯一聲出石谷，應金牙山色晚蒼蒼。

玉泉漱石

幽壑泉飛瀉建甌，松溪綠繞出沙汀。中流漱玉猶堪枕，直砥秋濤一柱青。

田溪冽水

漠漠沉陰遶郭田，清溪一曲韻含烟。游魚鱗鱗識濠樂，意看孤雲光映碧天。

嵐山小憩

檻外嵐光漾翠波，薜蘿新雨影婆娑。醉來一枕松風下，始覺林泉真趣多。

懷繡屏山寄桂郎孟門諸昆弟

弟李貞茂 刑部郎中

屏山清夢幾尋遊，今距主人村塢頭。淡句醉眼膏麈甚，冬嶺雲封不舉眸。

空擬登臨情事違，倦遊回首悵難期。如何萍里雲山色，不及羊元晚對宜。

暮靄衡山紫氣凝，繡屏峯下石峻增。無人指我山頭



路不逐流雲一霎登

望馬鞍山

程雅

使君千騎出東方盤鳳花鸞七寶妝  
顧盼生姿誰按此漳河西望曉蒼蒼

奮鬣長嘶解轡韁何年峻坂遇  
原陽電飛一抹千山過遺却小鞍在太行

騶虬控鶴小遊仙昭澤飛騎去不  
還人指空鞍留絕足至今澗底有清泉

邑前有馬跑泉相傳集公馬渴  
飲此泉

萬松風過瀑喧漉玉勒驚身何處來  
群囚空籠遠

昔會須臾一瞥塵

花村

程大夏

城南杏可數十株綠柳間之北坊有古梨二樹大  
可數十圍陰蔽畝餘間以紅桃翠柳清泉過其下  
括括有聲皆妙境也每歲花放時輒與坦公諸君  
子攜尊遊焉

山城南北報花開傍晚移尊攜客來  
驚目芳菲堪賦咏不須懷縣又新栽

和

程雅

霏微雨氣動寒吹幾樹妖紅間雪枝獨怪繁花垂老  
幹好留芳豔待晴曦

和

程方蕙

依山小閣與小齋載酒憑高望白梨園  
鳥數聲林  
轉清泉細細遶花蹊

和

李灏

花放山城第幾枝溪流蕩漾綠漪漪如  
高着遊  
展偏在春風二月時

題白巖寺牡丹

白巖寺牡丹詩序

程大斐

環黎皆山也山者利其踞勝地而古者莫不

叢若他世宋元以來而此獨肇基於唐一勝也

必題額而此獨之以山齊武帝嘗登臨焉一勝

也河北地寒名花難植而櫻白牡丹一叢曾為

府所奪紫袍黃蓋芳窠入處去而後遂較前更茂

三勝也壬戌首夏請和予以省耕偕同人往觀焉

正值花放碧葉紫萼競為爛熳是日也雲風變彩

榆柳搖青麥方苗而欲秋鶯向人而類啾政簡冬  
暇願與吾民樂之豐稔可期莫非自天賜者爰抽  
賦筆以紀勝遊賦曰

名園英蕤寶地仙葩與春驛而約素依淨土以收華  
瓊分蕃釐之觀妍奪姚魏之家香浮夜月兮錦爛朝  
霞孰問法兮私樹曾一突兮拈花白巖寺者唐初名  
刹齊武佐臨海遂昭澤峯高繡屏翠澗環抱兮壁立  
聳青綠疇繡錯兮十里雲平古寺曾遺兮如杜池無  
游兮雙亭青苔的的過雲堂兮晝寂土樹之期兮春生

蓋自黃蠟紫神靈縹緲金華洞音學比賦抵花箋勝印  
仙春之館觴飛錦亭之筵瑞雲艷稱於金屋化相遣  
侍乎甘泉掩羣芳而擅美倚東風而獨妍若乃托根  
淨域分莖瀟瀟朱欄移去仍留芳嵬紫袍重來夢圓  
敷榮心皈佛國跡掃王門繡幕珠樓適以流其芳潔  
批風抹月更足重其清芬枝枝叢簇兮萋萋平寫吐  
靈葩兮一色媚空王兮無言六時曼陀飛雨萬葉貝  
多翻經繁白巖之幽異以牡丹而特闡惟是龍華法  
會結夏芳晨五色浴香泉之水羣品集甘露之門冠



山則六道紫蓋繞月則一種黃雲松枝可麾孰解苦  
薩之縛梅子方熟誰現宰官之身茲以清時多暇引  
甌獨遙爰飭騶從爰戒賓僚將闋耕於北阜觀蠶事  
于東郊麥吹浪兮萬井溪垂陰兮一橋桑經曲兮采  
采鶯羽擲兮交交鴈臥綠莎觀步屨于隴首歌飯黃  
犢望飛旂于林梢及其涉平楚指崇峯崩煙散林壑  
空叩精藍兮山麓禮金粟兮花宮幢搖慧日兮座擁  
芳風花氣蓬勃兮密葉曲豆茸娟娟別有幽致鶴情不  
適矯容藥欄周回恍入玉碧叢裡茶寮間寂如從香

水海中乃有探奇高士選勝名流開梵唄而垂虛  
琴尊以來遊對峯排筵坐見人行洞口插早敷席時  
聽野鳥鳴啾香飄三昧之酒盤薦興平之酥杞菊可  
餐齋厨生其禪喜木樨何隱海藏肆其冥搜笑文簡  
之題句祝飛泉以乍流叩前代之遺碣挹清醴而唱  
酬俯仰興懷不數商亭嘉會人風可愛寧減芳園勝  
遊然則寺以花傳花緣佛備靈奪天嶰香銷朱象固  
歐陽之所不能譜亦徐熙之所不能繪者也重爲系  
曰法王宮裡育花王彌天寶雨平石牀有才莫續清

平調作賦常登選佛場百年此際成高會好憑驛使  
寄天香

漢元帝賜馮奉世璽書

皇帝閔將兵右將軍甚苦暴露○侵邊境殺吏民  
甚逆天道故遣將軍率士大夫行天誅以將軍材賢  
之美奮精兵誅不軌百下百全之道也今乃有叛背  
之名大爲國羞以昔不閑習之故耶以恩厚未洽信  
約不明也朕甚恠之上書言○依深山大徑道不  
得不多分布遮要害須得後發營士足以決事部署  
已定勢不可後置大將軍聞之前爲將軍兵少不足

自守故發近所騎日夜詣非爲擊也今發三輔河東  
農越騎迹射飲飛穀者羽林孤兒及呼速黎噲種  
方急遣且兵凶器也必有成敗者患策不豫定料敵  
不審也故復遣奮武將軍兵法曰大將軍出必有偏  
裨所以揚威武參計策將軍又何疑焉夫愛吏士得  
衆心舉而無悔禽敵必全將軍之職也若乃轉輸之  
費則有司存將軍勿憂須奮武將軍兵到合擊羗□

引太祖勅封城隍神誌

帝王受天册命行政教於天下必有生聖之端受命  
之符此天示不言之妙而人見焉則及者也神司淑  
慝爲天降祥亦必受天之命所謂明有禮樂幽有鬼  
神天理人心其致一也朕君四方雖明智弗類代天  
理物之道實繫於衷思應天命此神所鑑而簡在帝  
心者君道之大惟典神天有其舉之承事惟謹黎城  
縣城隍聰明正直聖不可知固有超于高城深池之  
表者世之崇于神者則然神受于天者蓋不可知也  
茲以臨御之初與天下更始凡城隍之神皆祈其命  
瞻此縣邑重祇所司宜封曰鑒察司民城隍顯佑伯



顯則威靈丕著佑則福澤溥施此國神之德而亦天之命也司于我民鑒於邑政享茲典祀悠久無疆主者施行

明英宗賜義民常餼勅

國家施仁養民爲首爾能出粟穀豆一千石用助賑濟有司以聞朕用嘉之今特賜勅獎諭勞以羊酒旌爲義民仍免本戶雜泛差役二年尚允蹈忠厚表勵鄉俗用副朝廷褒嘉之意欽哉故勅

正統六年三月十二日

茲與韓瞻揚得苗張才成各出粟豆助賑四人各有勅其詞同錄其一以見前代鼓舞義民之法云

爾

疏 奉世書表

為馮奉世訟功疏

漢杜欽

前莎車王殺漢使者約諸國背畔左將軍奉世以循  
候便宜發兵誅莎車王策定城郭功施邊境議者以  
奉世奉使有指春秋之義亡遂事漢家之法有矯制  
故不得侯今匈奴支單于殺漢使者亡保康居都  
護延壽發城郭兵屯田吏士四萬餘人以誅斬之封  
為列侯臣愚以為比罪則郵支薄量敵則莎車衆用  
師則奉世寡計勝則奉世為功於邊境安慮敗則延

壽爲禍於國家深其違命而擅生事同延壽割地封而奉世獨不錄臣聞功同賞異則勞臣疑罪鈞刑殊則百姓惑疑生無常惑生不知所從亡常則節趨不立不知所從則百姓無所措手足奉世圖難忘死信命殊俗威功白著爲世使表獨抑厭而不揚非聖主所以塞疑厲節之意也願下有司議

爲馮野王詣王鳳奏記

杜欽

竊見令曰吏二千石告過長安謁不分別于賜今有司以爲予告得歸賜告不得是一律兩科失者刑之

意夫三最予告令中病滿三月賜告詔恩也令告恩得詔恩則不得失輕重之差又二千石病賜告得歸有故事得去郡亡著令傳曰賞疑從子所以廣恩勸功也罰疑從去所以慎刑闕難知也今釋令與故事而假不敬之法甚違闕疑從去之意卽以二千石守千里之地任兵馬之重不宜去郡將以制刑爲後法者則野王之罪在未制令前也刑賞大信不可不慎

上武帝書

漢令狐茂

壺關  
二七

臣聞父者猶天母者猶地子猶萬物也故天平地安



陰陽和調物迺茂成父慈母愛室家之中子迺孝順  
陰陽不和則萬物夭傷父子不和則室家喪亡故父  
不父則子不子君不君則臣不臣雖有粟吾豈得而  
食諸昔者虞舜孝子至也而不中於瞽瞍孝已被謗  
伯奇放流骨肉至親父子相疑何者積毀之所生也  
由是觀之子無不孝而父有不察今皇太子爲漢適  
嗣承萬世之業體祖宗之重親則皇帝之宗子也江  
充布衣之人閭閻之隸臣耳陛下顯而用之銜至尊  
之命以迺覽皇太子造飾姦詐群邪錯謬是以親戚  
之路隔塞而不通太子進則不得上見退則困於亂  
臣獨寃結而亡言不忍忿忿之心起而殺充恐懼連  
逃于盜父兵以救難自免耳臣竊以爲無邪心詩曰  
營營青蠅止於樊豈弟君子無信讒言讒人罔極交  
亂四國往者江充讒殺趙太子天下莫不聞其罪因  
宜陛下不省察深過太子發盛怒舉大兵而求之三  
公自將智者不敢言辯士不敢說臣竊痛之臣聞子  
胥盡忠而忘其號比干盡仁而遺其身忠臣竭誠不  
顧銖鉞之誅以陳其愚志在匡君安社稷也詩云取

彼譖人投異豺虎唯陛下寬心慰意少察所親母患  
太子之非亟罷甲兵無令太子久亡臣不勝惓惓  
一旦之命待罪建章闕下

告顯表

晉劉琨

臣以頑蔽志望有限因緣際會遂忝過任九月未得  
發道險峻胡寇塞路輒以少擊衆冒險而進頓休  
艱危辛苦備嘗即日達壺口關臣自涉州疆目覩困  
乏流移四散十不存二携老扶幼不絕於路及其在  
者鬻賣妻子生相相棄死亡委厄白骨橫野哀呼之

聲感傷和氣羣胡數萬周而四山勦是遇披開目觀  
寇唯存壺關可得告糴而此二道九州之險數人當  
路則百夫不敢進公私往反沒喪者多嬰守窮城不  
得薪菜耕牛旣盡又之用器以臣愚短當此至難憂  
如循環不遑寢食臣伏思此州雖云邊朔實屬皇畿  
南通河內東連司冀北捍殊俗西禦疆虜是勁弓良  
馬勇士精騎之所出也當須委輸乃全具命今上尚  
書請此州穀五百萬册絹五百萬匹綿五百萬斤願  
陛下時出臣表速見聽處

贊

馮參贊

漢班固

詩稱抑抑威儀惟德之隅宜鄉侯參鞠躬履方擇地  
 而行可謂淑人君子然卒死於非罪不能自免哀哉  
 讒邪交亂貞良被害自古而然故伯奇放洧孟子宮  
 刑申生雉經屈原赴湘小弁之詩作離騷之辭興經  
 曰心之憂矣涕既隕之馮參贊亦云悲矣

黎莊夫人贊

劉歆

去歸之義夫人豈昧不改之節猶為當遂傳母不情



式微何爲中路之詩君子乃序

頌

黎莊夫人頌

漢劉歆

黎莊夫人執行不衰莊公不偶行節及乖傳母勸去  
作詩式微夫人守一終不肯歸

文

告於陞廟文

明張遵約

維神受命上帝保護茲土禦災捍患神實主之惟予  
受命大君牧養斯民憂災恤患予乃司之故朝廷於  
神則秩爲祀典以崇報焉於予則制爲爵祿以寵異  
焉蓋朝廷之所以責望於神與予者同一鄭重故所  
以恩禮乎神與予者同一優渥也遇災值患神與予  
固當同心協力以拯之今者三伏將竟一雨不施百  
穀垂枯萬民懸命予則憂之而神若罔聞焉小民無

知厥口嗷嗷莫不歸咎於神而將求拯于滄昏之鬼也予則以爲雨暘之期雖司于神雨暘之愆實召于人予爲長吏予將焉諉故予始而竭誠以禱于神而神弗聽焉再而痛自省責以誓於神而神弗聽焉三而書則奔即諸神夜則待命祠下以速拯於神而神又弗聽焉連日之內不惟甘雨不施而狂風大作雲將合而風已至氣欲蒸而日愈烈萬民之命決在旦夕矣予今晝夜憂懼如墮深谷飲食弗進如罹大憝首躬思過緩斂停刑凡所憂恤之皆誠竭盡而無餘矣願神博禦之功則凶水之章也予不揣涼德不足以格神復齋心滌慮暇暇免冠以待罪於明神果亢旱之災由于等官吏不職之所致與神當速降重罰以回天怒勿徒旱熯槩禍斯民抑或氣數使然神力不得而與耶神當聞之上帝氣數雖不可逃民命則有可惜矧上帝好生必無不俞允者神則默運功大昭靈貺沛三日之甘霖拯一方之殘喘固神之能事亦神之職分也如此則神有回天轉數之靈民受瘡死復生之惠而予亦得以快神功而釋罪戾矣血

食祿食不克均有光乎不然予固不能道其咎矣神  
之所以爲神者予亦不得而知也謹告

序

壽亭金漳明府序

刁包

包也盱衡四方寤寐學道者而難其人幸得諸隣封  
執政云隣封執政者誰安平侯李公金漳其人也侯  
與包以一日之遇成千載之知往復就正者不出學  
道二字道也者侯之治身以治民者也嶽降之日門  
下諸同人祈予一言以致躋堂稱兕之祝包當躬造  
而歌焉曷敢以不文辭竊惟壽言起於宋以後而  
善頌善禱則莫若梁溪高子其言曰壽者以百年爲



萬古者也七尺者百年之物也一靈者萬古之物也  
一靈云何天地所以生生也無百年之物則無萬古  
之物無萬古之物亦無百年之物是故君子慎所以  
修之務全歸吾生生之理夫然後一靈者壽而七尺  
者亦壽善哉言乎包嘗因是而廣其說矣莫壽于天  
天之所以亘萬古而常覆者以其有元亨利貞四德  
健而不息也莫壽于地地之所以亘萬古而常奠者  
以其有元亨利貞四德厚而能載也人於其中樂其  
焉三靈與天地同壽然人之所以亘萬古而常存者

以其有仁義禮智四德法天之德也謹識  
李侯其殆有四德矣何言之侯學道者也從道而析  
其用則仁義禮智名焉從仁義禮智而渾其體則統  
名之曰道而已此其說莫著於文清薛子文清侯鄉  
人故其舉而措之事業者惟從政名言是訓是行嘗  
試約畧其一二如云每日所行之事必體認何者爲  
仁何者爲義何者爲禮何者爲智庶幾久則見道分  
明侯之所以治身者其在斯乎如云法者輔治之具  
也必以教化爲先務蓋教化之行也仁義禮智四者

缺一不可，侯之所以治民者，其在斯乎？諸同人告我曰：聖諭六言有司廢格不行久矣，侯下車先取煙堽大訓字爲疏，句爲釋，梓以布之，遇朔望同薦紳持土弟子員暨父老子弟集公所，命嫻於辭者開示大義，真切懇摯，宛然家人父子，且勸息訟勸化，盜作爲論俗諸歌，父老讀之泣下，侯之那翼乳咻多此類，此其于愛第一義也。包曰：可謂仁也已矣。自言游氏振鐸武城爲尼父所賞，嘆嗣是簿書俗吏接踵而絃歌遂成絕響，惟明道程子令魯城想爲兒童正句讀象止。

率于令上之諸法，能一以代熱事，何意於夕，借籍也。諸同人告我曰：先是惡少輩以技藝竄名宮中，僞勢作威魚肉閭里，長吏莫可誰何，侯不爲意，一切罷之法，此輩遂俛首咋舌，相戒勿犯疆項，令侯之卸強戢暴多此類，此其風厲第一義也。包曰：可謂義也已矣。詩美仲山甫之德曰：不畏疆禦，歷考循吏，捕當道之豺狼者，代不乏人，若董宣收公主之奴，於驂乘李膺取黃門之第，於合柱中其表表者矣。侯固居然有其遺風也。諸同人告我曰：三百三千古禮不可復矣。

侯好士每季輒更其品題而優賚之隆以體貌或式  
有道之廬或懸高士之榻雍雍乎肅肅乎誓以古處  
相勸勉間正冠婚喪祭之訛有孝子貧士廬於墓者  
侯不憚暑雨親造其阡饋慰之侯之繩趨矩步多此  
類此其莊澹第一義也包曰可謂禮也已矣自叔孫  
道制禮兩漢習而安之嗣是代有制作不過因陋就  
簡迄司馬文正公節取周禮儀禮二戴禮訂正之煥  
然可觀宋文公又從而折其中何意於今履蹈之也  
諸同人去歲同先子之人在此各視世出之我爲

貨挾私監強入人囊橐中縛而質諸庭其人惶惶不  
能出一語侯鞠之立得其情爲反坐中外嘖嘖稱慶  
君侯之發奸摘伏多此類此其明決第一義也包曰  
可謂智也已矣易豐之大象曰君子以折獄致刑歷  
考循吏懸照膽之秦鏡者代不乏人若符融雪董崇  
殺妻之寃以有異夢向敏中辯僧人毆井之獄以無  
真贓其表表者矣侯固居然有其遺意也具有凶  
宜其然乎使非學道不至此仁者長善之道也義者  
利物之道也禮者嘉會之道也智者幹事之道也



於一靈暢於七尺百年也而萬古矣合四不朽豈一  
不朽壽考豈有量哉然而里之人其始未能遠之  
何也嘗聞子產之從政矣一年而開怨與人三年  
興歌誰嗣又聞孔子之相魯矣一月而開謗靡  
月而興歌袞章蓋一聖一賢得民若斯之難也  
賢之徒可知矣夫是以受事伊始則怨者有之  
者有之及其政治民和頌聲載道幾于誰謂  
之歌益信侯之學道而具有四德也

刁蒙吉斯文正統序

李甲黃

天地之理不能獨秘是以入世有道德天地之氣不  
能常鬱是以人世有文章氣必本於理文章必本於  
道德是道德與文章合之則正離之則邪也人生有  
性則有情有理則有欲徃徃喜怒任意歌哭過中發  
而爲文辭附道而叛道竊德而害德是所謂邪也若  
舍周行則曲徑舍砥矢則荆棘天地有憂之憂其人  
之以邪而亂正也則必生一二人維持而倡之  
此一二人者必其深喻而篤好之者也喻之不深則

好之不篤好之不篤則任之不力任之不力則其救  
拾捍衛之也不堅祁陽蒙吉才先生爲翼庭先生冢  
嗣承過庭之訓早歲登賢書絕意仕進行志則於孔  
顏曾孟擇誼則於周程張朱其于道德也喻之深而  
好之篤其於文章也則喜正而嫉邪自六經而外上  
下數千手凡其述於格致正誠有益於世教民風者  
杖之反是則棄苟傷廉則義亦雖愛必捐視周行而  
外皆曲徑砥矢而外皆荆棘麻唯曲徑荆棘之是視  
且凜乎若淵林乎若谷丘以憂人之以邪而亂正也

其書曰斯文正統則天下文章莫正乎是豈呼康  
初齊諸爲類不少苟得名人遊戲一語少年小子卽  
奉爲科律嗚呼以學術殺天下萬世豈淺哉故知斯  
文正統之爲功於世非小也

辨道錄序

李甲黃

道如日月之經天江河之行地烏容辨日月經天幽  
陰豐影則有異江河行地支流別港則有異不無意  
源逐流縣境疑光之人烏容無辨道學昌明宋濂洛  
關闈沙印符合無毫髮爽然而紫陽則有鶴湖之

紫陽者爲其抵濂洛也明姚江起而鶴湖似得從  
劫紫陽之壘幾孤其時學者多有尊之爲科律浸淫  
而益肆者尊之肆之

將不止其

人之心遺言岐路趨者受述吉安梁谿西安諸先生  
出而拔幟易漢近乃惕然夫千里之差始於毫釐道  
必唯精而後唯一中庸曰明辨之易曰學以聚之問  
以辨之禮曰今人與居古人與積辨之有裨於道也  
大矣祁陽才蒙吉先生苦心學道三十年矣篤志力  
行修悟兼盡方且憂人心之汎水取濫

西安諸生

人斯何能何瞻喪幾千古首陽金棺

長葛令雲輝何公墓志銘

李言

雲輝何先生者先大父之門人也以明經爲編葛令  
五年致政歸里戊申冬先生疾劇余往視之以地下  
石獨余余敬辭先生曰成我者十家祖若父也不幸  
不先水部前旨水部之文今舍小阮其誰志我墓者  
余悲而許之次日先生捐綿舍庚戌秋窆安有期余  
感先生之屬乃勉爲志曰先生姓何氏諱勝光字雲  
輝家系稱爲陽予之小灘人如祖令遷世有厚德



數傳至臣丈六十四長得仁為先生父先生而淵  
 敏誠篤甫七歲拜先人父家塾中攻舉子業未弱冠  
 補邑諸生試輒高等命願領名譽當時與先伯先君  
 子工苦晷夕無間尤以古道相勉得仁公卒先生君  
 喪一循乎禮易而戚事益篤中申慈至先生負母  
 踰坦出人皆色之卒以孝感免禍家無厚產尤留心  
 經世之學教育英才出其門者皆知名今從叔西  
 谷戶為流若遊人無城府善與人肉之思每改以  
 善教數上秋魁竟不售以明道中長之式也

生之所著間附已意與余之任博陵往復有合者  
 四卷曰辨道錄余實寶而秘之尊之為律行復將  
 公諸天下後世也

關帝廟序 黎丞陳宗石建

王清賢 郡司馬

神聖之福世猶日月之經天河海之行地也日月容  
 光必照河海不擇細流神聖之德天地相地也何獨不  
 然我關夫子挺生漢代忠貫金石薄雲霄千載  
 下崇祀血食周徧海內其他名臣烈士載在祀典往  
 往限於一方求其絕域窮荒莫不尊祀况者終莫京於

夫子也黎巖邑也丞宰倅也陳子萬以蹶躄才爲黎  
邑倅亦鹽車過此廼于解隙構廟二楹供祀夫子  
竭其敬而誠若工成作序就正於余余聞其碣言良  
有感於黎之蕭條且嘉其誠敬之無射也夫子發  
祥薄陽厥地廟貌壯麗甲于天下茲彈丸小署亦獲  
對越薦歆豈非日月之容光河海之支流乎然自夫  
干在天視之則巍峩輪奐不見其尺斗室數椽不見  
真隘方且沛正氣於兩間極窮滄子六合安見葦爾  
訓宇遂遠遊于藹宮桂殿耶不然敬不足雖有像

爭留於邨墮以里社滿如先生者累月新令尹悒然  
曰何公之得人乃爾耶旋里蕭然田不加增宅不加  
廣不與不盡安步田里先生至丞昆陵七年宰繡菴五  
年林下三年宦論解評始終稱爲善士爲廉吏蓋真  
有私淑于先大父者先生卒於康熙戊申十一月距  
其生萬丁酉正月得年七十有二元配孺人李氏  
再楊氏副馬氏子三長獻瑞次獻龍邑庠生次成子  
先生遺腹子也少二孫男四浩濬澄澗俱幼業儒銘  
曰名也章身德也昌後潛德韜名厥修孔厚孰於

其殺小子亂終

記

潞祠記

圖

潞讀春秋宣公十五年六月癸卯  
潞氏以潞子嬰兒歸未嘗不廢書而作惡其為弱而諸侯專行殺伐五等之列始由周之命而終不白周以滅之天王之勢不亦衰乎噫潞種雖出於赤狄奈何子爵奉周命而立明之傳又叙潞之五罪則由其相酈舒而得焉可以相之罪而滅潞之國哉其抑強扶弱之體也安在乃知晉人殺酈舒則一可也苟林父滅



潞則非也深人韓固爲其于黎遊黎之東南十五里  
有潞子舊祠其山則曰潞祠蓋山之名因廟而得也  
昔滅其國今存其廟蓋後人居潞之國追于之烈而  
修祀爾今天下賞罰專于天子上之令未出則下不  
敢輒誅其怨其公也聖矣哉潞子之廟宜其紀叙  
以證周由建侯而興終以諸侯僭廢而敗士大夫傷  
乎古而重于今也以知晉之事尚不及後之民神事  
其潞遂作潞祠以祀之

泮堂記

宋韓固

黎之泮高家也坊之邑也非其第也泮凡民竹賢而  
今交流俗之心賴越博氏聖皇五年身建茲寺國賜  
其額名曰寶泰取乎民寶其教而本寧也然于本朝  
憚于豈置太平興國三祀易其爲旨揚爲慶安亦取  
乎民賴慶而獲安也天聖三載將之白馬官吏旣去  
地生荆棘寺之舊址佛舍殘缺主僧道求能持苦行  
耻其教有可施而居不壯瓌之累也於是求丐  
瓦木營構棟宇高飾堂室以得法戒西亘修閣嚴粧  
繪像寺庭之制巍然可觀邑大夫浩公素達南宗之

學以慈恻之意爲字人之意得其宜矣憐其山利筮  
尤僧篤行願亦贊治之一端也余簿尉韓罔筆其事  
謹不敢避因紀其實宋至和二年歲在乙未三月朔  
吉日記

黎城縣重修宣聖廟記

元權秉中 邑人

天地五知其不毀也一德不修則裂日月吾知其不  
喪也一政不行則缺山嶽吾知其不壞也一化不明  
則頓河洛怒氣其不瀉也一令不善則竭大哉吾聖  
人之德能嘉世而無弊良田限賦及於治世

浚而流之流者也一才不立則烈其槩不亦聖乎堯舜  
禹湯爲教幹不亦茂乎六籍之疇爲淵源不亦濂乎  
流而揚之爲流派不亦遠乎故天地日月山嶽河洛  
間亦存製有欽右巖有坊聖人之有也一德不修則  
止而難犯萬世不可易故無虧焉以世有人下國家  
者崇其德尊其教宜乎歲時致祭乎久而不絕也韓  
文公云自天子至於郡邑守長通得祀而徧天下者  
惟社稷與孔子耳然社稷不屋而壇豈如孔子用干  
者祀事巍然南面哉柳柳州亦言天子之祀自京師

大學徧於州邑夫子之道闕肆尊顯二帝三王無以  
侔其大也由此言之自生民以來信乎未有如孔子  
者矣後之學者雖欲極言而增大之又孰加焉惟奉  
流宣化者崇其廟以恢其教斯可謂達其本者也穆  
城南門左舊有宣聖祠金大定間昭義軍節度使本  
文節公宰是邑廟宇視他邑爲甚鉅兵革之際焚蕩  
殆盡始於三十年至國朝己未年縣長趙思忠訪廟故  
址築以綵垣而無朔望拜祭之所中於是元先伯文  
公之廟三進等殿皆之

漫不加省迨至元十年 磁州倖勦澤來尹於此下  
卓卽慨然有修廢之心越明年政通民和乃謀諸僚  
吏暨鄉先生鳩功募材庀徒歲事以廟故址僞促稍  
徙於後簿尉姬紹榮董其上役不一歲而廟成高敞  
爽塏令人莖而生敬以塑聖人及十哲像冕珪珠旒  
悉用周制鄒袞而下坐燕居之義翼侍左右方經度  
其餘秩滿弗克就銅 李琳代任思繼厥功泊同儀  
末魯不花溫庭瑞築建大成門餘亦闔如也三十一  
年春建簪花赤也孫朵力圖興修同縣尹成簿尉馮



集邑之二十二社長相與計工度木爲周廡爲講堂  
爲齋舍爲應門爲諸生肄業之所凡七十二楹又繪  
七十二弟子配享漢唐以來諸大儒從祀焉今年夏  
余受命過里拜

先聖先師顧瞻其禮殿巍如兩廡翔如門楣閎如講  
堂邃如齋舍潔如基砌縝如日擊其美而心豁然所  
以爲美也竊惟我國家混二四海崇尚儒術詔諸路  
州縣邑舊設廟學書院損壞隨即修完爲守令者  
在往棟蕪不治今吾邑前後爲政者皆能謹庠之

教時時踵修之上以副 聖天子恢張文治陶鑄人  
材之意下以使鄉閭後進踴躍濟濟習俎豆揖讓進  
退之禮蓋知王政之大端承流宣化之達其本者也  
余里人也勿愛經於斯百廢無一舉今拜廟於斯百  
廢皆一新熙熙聖化中不知手舞而足蹈也故據實  
而樂書之元貞元年秋九月望日記

藏書樓記

元許有壬 中丞彰德人

聖人之治天下以教不以政蓋教所以爲政也使  
爲司徒教以人倫堯之政也設爲庠序學校以教之

三代之政也其有不及則有以濟之故不帥者移之  
邠遂而芟楚二物以威之甚而至于用刑以弼教則  
曰士制百姓于刑之中以教祇德是古之爲政未始  
不本于教也是故納民於孝弟忠信而躋世於太和  
世道旣降教與政殊不本於民心佞佞乎事爲之末  
先之以簿書期會繼之以獄訟榜笞先王之所以教  
不試者幾希治不古若有以哉皇元紹百王之正首  
務教民日月所照莫不建學分職守之俎廩優之長  
吏主之風紀勵之而所以教之者何哉亦曰先王之  
道而已先王之道存諸書教之之具亦有舍書而能  
者也然郡邑罕事古文屋宇傾摧向不聞書而所謂  
教之之具蓋無幾焉教化不行教之具也黎庶有學  
歷數政而苟完學者苦無書自君謙奉尹嘆曰市肆  
則有貨也庫廩則有藏也道宮梵宇各實其書嘗謂  
明倫之地反不佞若邪於是直堂之右作屋六楹重  
雷架空椽出其上材良制工既崇且堅首出已書以  
倡吏民又規金息廡鸞經史子集共四千二百二十  
七卷插架充棟秩然炳然來謁予記予惟聖朝濟育

陶治舉善教不能唐虞三代之所以爲政者不過是也白君又能祇奉德音學不虛設而充之以書知以教爲政矣承流之賢者也遂告夫邑之人曰夫子聖人也其學亦始於觀書今邑之士有書而讀之矣必得之心必有之已明善復初業精行修出而爲良才薰而爲美俗俾朝廷之治不愧隆古而尹之期于吾士者庶幾無負故予樂爲之記以待其效焉罔俾斯稷徒爲邑之觀美也

重修儒學記

明嚴

把臨川

皇帝既正大親定一海內以元末六矣風俗頹弊教化不明乃稽古典命中外大小官皆選用儒士由是斯文大興學校修舉經訓明禮義齊教耻立交連聿新德化暨於海隅其功效實由聖天子道遠而來也余時被命同知縣崔君來治後定經兵燹之學校鞠爲茂草惟先聖殿獨存乃惕然思爲政有先務可不先於此乎雖然不敢專也洪武庚戌春乃會邑士議其成之士既集止衆亦欲蒞又明年落成其大成殿因其舊而增廣爲五間甬列四配十哲仍



嚴飾之廊廡東西計三十間神門五間左右翼者四  
間師儒講道之堂曰明倫弟子課習之齋曰日新諸  
習官僚有舍藏書有樓射有圃膳有厨廩益遊豆豉  
爵之奉皆略備具庶乎煥然山川增榮芹藻有光儒  
生俊秀得廣居安宅而處之日月課而從事於此者  
印物以明義以身以求仁空去其外而盡其精微以  
趨乎道德性命之本願知此學成而後交發互進  
以作興斯文則庶乎不惑矣若夫爲學之學不以  
子身心希僥倖之志弗及于世則出而爲于世

者不入於苛刻則流於比疎其爲聖教之差亦悲  
夫杞不敏得陪令後敢以此言爲邑之士勸則諸君  
子不負聖明崇重之意而邑令興創之功得以不朽  
余亦預有榮焉知縣崔姓鳳名鳴陽字也項城人改  
授大名府同知云閏十一月吉日

建城隍廟記

嚴杞

天下府州縣皆有廟以祀城隍府有封王爵者州縣  
則未有也 洪武元年詔封府州縣城隍爵位有  
差縣曰鑒察司民城隍顯佑伯錫以七旒七章衣

纁裳冕服焜煌於戲盛哉黎城縣舊廟燬於兵明年正月予佐知縣崔君來董是邑民皆迓散大懼弗稱圖惟安集俄而四民來歸議欲復廟城隍適太守潘公以天子命立廟設像廼仍舊址爲正屋十有二楹中置神像侍以內官週環墻垣崇峙門廡儀衛森列晨昏鍾鼓享祭有儀氣象規式於邑適稱足以奉揚明命足以告虔妥靈夏四月癸酉經始營之六月甲戌落成薦享民相與語曰曩邑民切切於祀事爲強兵之所窟宅而不敢爲也因自司之所徵賦而不聽

及也今逢聖朝特錫封爵其廟不勞而成吾儕小人豈惟歲時朔望得盡香火之敬而水旱疾疫且將有所禱焉其爲幸亦大矣予曰城隍者一邑之主也誥封鑒察司民鑒者燭民之誠僞察者體民之善惡司民者管攝乎民者也且建祠設像所以示民之所當畏敬也卽其祠宇則凜乎如將見之也拜其威儀則儼然如在其左右也幽明交際之間神所臨鑒苟或越禮踰分利已損人一念不莊禍福響應雖於國法僥倖萬一而神之攸司則有所在矣其可忽諸此聖

天子之錫封意也夫以黎邑之民罹患難歷艱險凡十有三載靡所焉托也今既達于太平則相安于田里矣

重修五龍廟記

巖 祀

城南二里舊有聖應五龍王廟兵變後殘毀殆盡洪武二年春不雨禱而雨秋七月不雨禱而雨境霽足歲大熟民迺謀曰聖應吾邑之所庇也革運之初宰官蒞政之始有禱輒應弗葺其宇無以荅神庥豢皆曰善爭出川力樂觀其成八月鳩工役正殿與門

因舊廟之左右廊廡凡三十四間悉新成又設支祠二東曰田蚕司西曰地祇司門之左曰致思禱而坐息之所也殿之右曰陳設祭而具饌之所也神像烜赫龍位備具內外卅牖煥然五彩落成之日衆請誌其本末於石余考前進士連素作重修廟碑不載其所自始聖應之名則元大德年間禮部所錫也所謂五龍則引上黨五龍附會之蓋上黨五龍之神曰會應無聖應名號及考黎城境內西去縣五十里鰲山有蒼龍又五十餘里隴阜山有昭澤龍西北二



十里有嵐山龍北去百二十里有石圍龍相望五里  
間有石岡龍皆能出雲興雨而最靈異者昭澤也此  
黎城境內之五龍昔人合祠于此故名夫龍神物也  
能巨能細能飛能潛變幻不可測覈其形于蒼茫晚  
霽之間旁薄乎宇宙而倏據乎山川喜則霖雨以澤  
物怒則爲雹爲霆以戕之豈黎城一邑爲然哉廟而  
祀之上以答神明之洪庥下以廣民庶之嘉貺於戲  
盛哉余不敏佐職斯土材不足以大庇斯民而聖應  
資陰陽之大德風雨以時物無疵厲功在國家不可  
以不記乃作祭享之詩曰山川深秀雲飛揚而靈瞻  
靄彌穹蒼膏雨甘露施四方隴阜之水慶源長鰲峯  
石圍與蜡岡嵐山縹緲參翱翔靈旂旆森龍章神  
來格兮民物康千林棗實百頃桑大田禾黍秋穰穰  
父老再拜瞻耿光于萬斯年永不忘

二 教堂記

趙 初

蓋六幕內無千里地而無大山無鉅川無繁岸曲澗  
者焉療人之日翳滌人之襟塵佐人之逸興莫過於  
是有老人秦希澱世居此山水間幼好清塵不樂華

處秋冬閉戶春夏開游竚則羣峯拱翠憇則衆流環  
碧左右煙霞明潤草木鮮妍真佳境也意謂以漢明  
帝之夢而闢揚之欲將吾中國聖人廼爲之主而以  
西方釋迦一聖廼爲之賓天天何地不生乎聖聖何  
教不成乎化嘗曰有異地而無異聖有異教而無異  
地若此者莫非爲生民日用之間而復其本然之性  
善也就其所構之堂曰佛堂堂繪其佛像以金綵使  
游觀山水者知佛而爲至仁化西域之至不仁者爲  
仁令人想像追慕莫不興起一時一念之善心而忘  
世之利欲於目前也則所謂吾中國聖人之堂又豈  
惟耶夫豈若效沙門之流惑世之僭憑托云超生渡  
死而爲衣鉢計也夫希轍果若是吾何惑之太甚而  
傳記於石也耶

重修學宮記

高陵呂 栉

甲申孟秋予自涉邇黎黎尹揚侯舜卿作學宮且落  
成子姻文君宗顏司訓於斯往訪焉登明倫堂度祭  
本猶綢繆未謝不可坐乃覲於私第明日黎士子蠲  
堂開宴以速予師尹咸在醑醕既舉徘徊瞻眺仰見



群棟穹窿如蛟騰而鳳起其拔擢斗筲之絢非鯉躍  
出浪則兔視桂秋也東爲日新齋五檣西爲時習齋  
五楹文行忠信之號皆背齋而設幾二三十楹且其  
北倚白巖南臨衡漳東遶蒼溪而石矸嵐麓積布馬  
鞍諸山亦皆自西環拱信可謂據黎之勝矣有鐵筆  
在簷下降視之鑄揚侯所撰上梁文也文用駢儷體  
有華藻其鼓舞振作之意不啻飢渴侯語予曰斯地  
不甲科者今六十餘年矣往時堂在大成殿後掩蔽  
旣甚頹陋亦久良臣竊意其咎出于此山乃東徙

茲然方落成而吾涇野子至涇野子素高利良臣所  
望於黎士子者其兆乎予曰嗟乎奚有于是夫黎古  
名邦也自被文王之化而豫馮鮑緒皆此上黨之才  
且今趙初隱于蒼溪王修身廬于墓場其諸洛德藻  
行之士更欲追踪乎嚮之益臯稷契而無愧孔門區  
區一科第何足爲黎士子望乎予旣抵解之三月副  
憲王端溪巡歷至黎楊侯請之曰日者良臣之作學  
也涇野子有數語于良臣心終不忘欲問記可乎端  
溪子曰懿舉也乃即使宗顏及其徒李謙來涇野子



曰柝無以益黎士子黎士子惟追踪乎嚮之益臯稷契輩而不愧孔門符楊侯作學之志而後已乎楊侯卽墨世家文行俱茂屢屈春官其爲政慈廉而又有設施故其作學勤懇亦不費民財力云學完在是年秋九月

重修城隍廟門樓記

邑人靳惟精

黎城縣城隍神廟幽邃嚴寂靈應不著一方民物咸在鑒庇其廟之門舊有樓嘉靖十六年丁酉夏六月乃傾圮維時縣人典膳官連芳王騫卽圖再建然在

國家祠宇昭然建典河政清寧具秋以詩邑

逸捐貲首事既帝縣之紳洎齊民募筆掄材徵工

僦徒筮以是月二十九日丙子卽樓遺址爲樓

二楹迨嘉靖己亥六月之五日工竣嘉靖壬子春三

日首事官始過予問記予謂天下城隍皆有廟廟必

有門門未必皆有樓也唯此黎城之門有樓意在飾

廢云爾粵自宋天聖三年乙丑遷創今縣高城深

隍其英靈之氣寓於城隍之中而實超乎城隍之表

萃而爲神受命于上帝以主斯土者蓋五百二十八

歲於今矣其神棲有廟肇構莫稽元至正戊戌之亂  
 焚燬一盡逮我皇明洪武己酉縣令簿戒董部民仍  
 廟舊地面創之即今廟也迺廟之成以迫于丁酉僅  
 一百六十九禩法庭殿廡咸無傾折而樓之系于門  
 者獨壞謂之非數不可然舊者雖毀新者即禪且其  
 石正據勝臺層而礎奠柱直而來橫思隆而榱密節  
 此指精之絢蒙雷瓦甍之堅用黝金碧之輝映宏巍  
 壯麗視舊樓誠有加焉天子命吏調祀興其習越市  
 井蒸氐齋香杯幣自謂修新而將報曰

皆上望登瀛

瞻聖其義然

畏葸無俟乎驟奔在廟裸獻拜伏而始因敢弗欽矣  
 假以揭虔豈唯飾廟已乎抑是伎也乎重有感焉方  
 舊樓之存也危而東欹立以木下維土石見者謂樓  
 且毀黎無復有是樓矣蓋欺世無良工也暨毀即建  
 建復若是噫世豈無良工歟達人登覽當知都料匠  
 之功嘉靖三十一年冬十一月

式清亭記

邑人新龍精

縣治退省堂之北有逸壤數畝列井築涵古木森秀

吾徑土塔有亭三楹蓋前令休息之所也隆慶夏六月貞菴張公來尹黎邑仍舊亭而葺之歸芻啓而受明門洞園而撫照烈危瀾惡修離闕竄遼崇視舊有加頌其上曰式清明年秋儲惟精記之曰式清者何定與歸也說文曰式法也守歲而弗汨謂之清越稽上古俗撲民淳清之名未立也陶亭有許由行至高文字不少推見司馬伯夷傳許由之高其行也後千二百餘年而有伯夷耻粟而茹薇蕨前之極矣其後又千二百餘年而有楊震曰吾自長沮夷之徒也貞

菴公之所式其在茲乎其故以聯入亭節而思焉其所以如夷震者去其所以不如夷震者斯夕寒暑靡弛其操將與孤竹義人關西夫子相揖於一亭之中乎故曰定與歸也觀其卻囊緘之狐裘嚴誠其主微歲賦之耗羨盡給公需則公之清可見而式之志遠且大也惟精不依所師友者多海內貴顯卽尚友古人其道德之迥卓勲業之洪偉詞翰之雅麗赫耀者項背相望求其真義利之分如貞菴公者蓋希覲也卽謂自楊震之後一千四百餘年而有貞菴



無不可者彼額清白者亭非不勝也但爲龜齡啜茗之所顏清虛者堂非不華也徒夸穎濱撰記之榮視公之式清名亭而夷震與歸者其所得爲何如哉若公之善政善教自有口碑載於閭井循聲蜚於藩臬最課定於臺省而上以達之樞宸麟峻擢拜特簡歷清華在公乃匪筮有獲者奚容予之喋喋也哉

式清亭碑陰說

靳惟精

隆慶戊辰秋九月惟精辱邑侯貞菴張公問既已記式清亭公然嘆公之義細未竟乃復著說曰

予神曰春秋之義善善也公之清行善善

也而辭長其春秋之義乎公屈尹黎邑識淵德粹才敏學嫻其清操凜然不可逆記進其清爲公信伯起之徒豈溢掄者哉夷考公行當已巳冬侍節粟菴有足以守已之詡今庚午夏大中丞兩城有守已足徵之諺侍御中丞職愷與者予方自負所見之同而記之清品擬倫果非溢掄焉耳矣夫清淑行也當官首事也世之人立於宦成驕於名立

倦於時邁而晚節頓改者多矣唯號稱君子者爲  
能不易其操故曰天有常度地有常形君子有常  
行貞菴公君子也永保其潔母滑於潤恒履其素  
母眩於貴久含其貞母參於儻固其天能又奚假  
規匡爾耶一時家僕因咸同心革面率景像形矣  
然洪鍾之音不引而後有繼者佩符視篆登堂入  
亭豈無仰清風而作焉者乎黎墟置塾疇離社矣  
惟精自弱冠學爲文辭事之無關於世教者雖  
舊卽有力強之弊焉也然茲式清一事蓋不啻於

載著云

修城記

明蕭

繡教諭

隆慶丁卯秋九月蠡鴈北口紀晉磯石迫浚甚急尋  
亦寧謐越明年戊辰春當道者遵欽命通檄由右郡  
邑繕城壘濬濠塹修武備以戒不虞乃黎城潞疲邑  
也舊有城及隍卑淺不足爲守兼之民貧帑空措理  
無具自他人處之不因循苟簡則亦束手無策而已  
時邑侯貞菴張公晝夜焦勞思圖良策迺肆筵公庭  
卑禮善辭以懇夫邑之大夫人士且先捐已之俸薪

三十金以爲之倡於是邑之大夫人士莫不慕義爭先或願修角樓敵樓或願輸料木磚石雲集川至如子之趨父工也公始量僉夫匠於民間計處餼廩于公家分委景永陽焦簿繼張尉東鉞訃日而從事焉而三君者又能時作息均勞逸從役之人莫不懽忻鼓舞故僅三月之間創建重門三座角樓四座敵樓二十座添築墩臺二十四所修雉堞千五百有奇濬池墜則深廣各一丈五尺綠垣墻則週圍幾至于千畝由是田之旱者高不下濇澇者深不可臨確乎一

金湯也既竣事公復於諸有功者題扁勳莛旌義酬勞獻酬之際勤渠欵洽儼然家人父子堂構落成而燕飲以樂之也嗚呼盛哉勳莛旌義乃起卽余席揖而言曰今日之舉恩禮洽于當時利澤及于後世吾師職司文事可無言以記之余因而申之曰當大事者必有其善處之才而又有急先務之智然後事可得而濟也今茲民窮財盡之時事之難處者莫踰于興作莫急于防禦也公于斯時不勞民不傷財不煩誓戒不假刑威而晏然建此保障之奇功又



且先完倉廩以儲糧餉修教場以練兵戎立鐵治以  
備器械而森然預茲守備之至計非有善處之才及  
急先務之智者能如是乎矧黎壤地不滿百里一彈  
丸黑子耳而地利人和堅甲勝兵凜乎有虎豹在山  
之勢卒然有警無足為慮矣故余敢次其事之顛末  
及著夫公之才智俾後之享安平之福際難處之會  
者知所自而感有所企而及也諸生以為何如諸生  
再拜曰盡之矣請勒諸石以昭不朽張公山東單父  
世家名憲約字復之占氣菴其別號云隆慶戊辰十月  
既望日立石

四無堂記

明蕭一縵

四無堂者黎尉衙廳也廳為衙之故有傾頽圯敝且  
垂堂有日矣歲丁卯齊少渠張君來尉是邑以其不  
便於視事迺於來春白諸邑侯貞菴張公撤而新之  
甫落成陝撫御史中丞李八泉翁書適至蓋泉翁嘗  
為青州太守而渠君時為郡功曹舊拜君也故其書  
寒暄之外不以美而直以規其詞曰官無大小無忝  
厥職無媿此心斯無負朝廷矣其所以教之者正且

要而所以期之者遠且大是不以凡近待渠君而以  
古人名臣望渠君也渠君得翁之教喜其深有協於  
風志遂擬其義以題其堂曰四無欲其出入顧諟以  
警諸心其所以尊信而表章者又不徒以詞翰已也  
此四無堂之所由名也既懸扁復問記於余余於是  
而有以知泉翁渠君上下之交然古重義而非流俗  
汚世之所可異也何也今之王公大人不通問訊於  
下僚久矣泉翁以中丞之貴而不遺功曹之舊親御  
筆札懇為規誨雖古之賢明故舊不遺好善 勢者

例過焉

江表

卷之四

之規戒渠君負聰敏之資遂詩文之藝感泉翁之誨  
卽扁其堂雖古之明哲見 善服膺聞教書紳者何過  
焉嗚呼泉翁之善忘情於勢分之外渠君之扁樂教  
于義理之中二公之爲真足以風世也已雖然抑有  
說焉夫四無者原無也自夫人之居官者有好崇惡  
卑之偏焉而後官無大小之說與有受直意事之愆  
焉而後無忝厥職之論起有違道于譽之弊焉而後  
無媿此心之言立有殃民病國之害焉而後無負朝

廷之語出是四無者本生於四有也居官者欲全此  
四無以消融夫四有之渣滓必先克此四有以培植  
夫四無之根本庶乎真無其有而誠有其無不媿爲  
古人不患爲名臣也不然則有自有無自無於吾人  
何關涉哉渠君入官事上惟恭服政惟勤律已惟正  
臨民惟惠其於四無之義固已兼體而盡之矣余  
懼大後之人或未肯顧名而思義上以負泉翁錫教  
之盛心下以孤渠君題堂之美意故著此有無之說  
以系夫記之終隆慶二年歲在戊辰夏五月既望蔡

城縣儒學教諭魯人 蔡經記

重修魏王祠記

王懷遠

魏王宜無祠也魏王而有祠非禮也然其所由來遠  
矣宋太祖乾德四年詔太昊而下十有六帝各給守  
夏五戶春秋奉祀大戊以下十帝各給三戶歲一享  
而魏太祖亦與焉我朝于帝王陵廟皆有司致祭其  
所祭者伏羲而下三十六帝而孟德不與焉今廟在  
黎邑曹庄其建祠莫知所自或謂曹氏餘裔寓茲立  
以奉祀故庄亦以曹名蓋魏都鄴卽今彰德距此不



甚遠理或然也歷代傳祀凡旱潦疾疫有禱必應鄉  
耆黃儒等因其圯也而重修之殿廡門墻整然一新  
既告成請予為記予甚難之夫功高而德厚者崇以  
享祀宜也位卑而明祀之崇必以臣義士之鬼也孟  
德之行不滿于志士仁人之心知其不靈其祀亦  
不足崇也乃今千三百餘年延祀不毀久而彌光且  
感雷赫喧昭耀黎庶予蓋求其故而不得其說也傳  
曰用物精多則鬼氣強是以有精爽至于神明曹公  
其大懼以凌馮中原感焉且加于天子死而有靈不

亦宜乎夫節有為惟伯宗曰祀之伯有猶能為厲矧  
孟德乎我國家明祀外邦有厲祭夫厲猶有祭孟德  
獨無而食乎此孟德之所以為靈也此孟德之所以  
有祠也此孟德之祠久而不毀也予故因其請而記  
之如此若曲為之說不惟其繁吾誰欺

黎城縣曹侯增置學田記

曹

明暴

賦貞

翰林

天啓五年夏黎士子群來謁予懇為記  
德教予問曰曹公之德教何如黎士子慨然言曰敝  
邑向日縣治荒涼風景蕭條自我曹侯蒞任首問民

間疾苦士子饑寒殫慮拊循不啻如慈母之保赤子然其於民也先撫字後催科謹鄉約勤講諭是以民生衣食足而且知理法舉積年逋賦不半載而盡輸用是循良蜚聲烏臺馳檄褒旌曰器宇端凝操修謹飭精白出之渾厚撫字寓於催科誠我侯實錄也其於士也期望講學授課課花紅紙墨給賞有差師生俸薪齋膳以時歸給士帖然有君師之戴且憐念士類中有極貧肄業無資者乃多方設法並捐俸共銀伍拾伍兩能舉其民王公侯共計

不貲於燕敵有零立焚閉卷不入學里包不得租粒肆拾餘石以資貧生方慮日久湮沒適學憲劉夫子文上憲命各道存立學田以養士類檄到侯以學田詳上蒙批該縣督催科迫急之時他郡邑救過不暇乃能念處子創饑割清俸以市學田飲食而教誨之斯謂父母師保矣其美政良法當刻石該縣學以垂永久予聞之喟然嘆曰曹父母如此經理如此遠圖然則黎陽其在親賢樂利之世乎其令人沒世不忘者乎且遼符學臺劉公設立學田至意其俾

之勒石旌之久遠固宜

遊中方洞記

武鄉趙三麒

陝西同州知州

武邑東九十里爲龍門山介黎城者爲中方洞皆有勝蹟所稱太行羊腸翠微是也辛酉秋有事西成於韓壁約傅生仲宣爲東山采藥之行傅越人也精於醫蚤發過柳塘不五里至山麓井社蕭條一望石田低回者久之過此綠陰紅雨山色漸奇芬芳之氣時襲人衣由龍門而躋直造其巔東望五峰雪浪其最高者行三里爲潭水巖巖有洞中曰雙泉二水分

流潏洑左右而得名也壁間石眼玲瓏其下有聲余嘗曰語石亦曰惟韓陵危石猶可語耳忽雨至過羊徑山邑志所謂路體通羊者今可方軌土人云勝國奉勅修尚書劉公墳代石此山有修路碑記過此則黎城縣界矣穿穴窟水肩笠數里始抵陽河雨力稍歇時已暮於高巔白雲橫起山腰倏忽千變如蜃樓海市狀黎明起舍騎扶筇所經野菊如繡中有藍菊名曰翠連環余曾遊廣陵萬菊園未見此種移根籬東可助陶愛極目西峯石千尺如門又如兩旗對



民沿林盤曲不別天地鳥道石蹬歷千百級忽然開  
闢擇平石憩飲頽前山之巖高者今皆在壑中矣自  
是益北望中方樓閣如畫奇蹟怪狀不可指名傳生  
云某爲某藥可採可茹南此藥之不同如是過伏虎  
崖乃抵大巖巖深數丈位置虛佛殿中淋泉滴滴昔  
人題爲念佛泉石爲三教堂止禪道二像僧曰乳聖  
像三成三聖想聖人不欲居山耶余曰爾獨不知太  
行爲孔子回轍處乎旣還轍而息鄆矣又奚以留像  
於斯其崑高者爲中方讀斷湯云山在太行之中故

曰中方諸山純石截霞而上諸水如磬懸霞而下故  
其境爲最勝上一層爲九封洞高七尺許測稱之列  
炬以導門隘徑滑不可入半崖爲磬安洞可容五六  
百人土人避兵於此旁石如砥爲三仙臺有二石室  
辟穀者居焉北爲生牛洞山無寸土惟此洞中黃泥  
一線生生不窮造諸佛殿取給於此左爲俯觀潞郡  
譙堞歷歷在指顧問山後萬乳齊下爲雨玉處其巔  
爲捧天崖對面爲金蓮峯昔年曾開金蓮花光映百  
尺香聞十里日夕而旋食於岑樓老臘進百花茶詢

其產曰卽在此山中葉細花白而味甘每枝分蓋數  
輩百花齊開故云吾邑龍門山此種繁甚土人不識  
持歸以示之再憇陽河登白坡四望霽色大非昨雨  
中景况竒峯如筆如掌如蓮華秀出天表五雲磅礴  
極目皆幻乃知太行鍾靈於此冀南一帶名賢文學  
代有偉人其得於岳靈者厚耳予浪跡三十載每爲  
崑里行岳有五僅遊其三海有四僅觀其二物不可  
以終窮故以未濟終焉

李氏宗祠記

李鴻黃

往余嘗浙中見其地家有祠堂因稽然念之以爲吾  
鄉唐魏舊地風俗朴野禮制之備殊不逮焉令康熙  
丁未予休職始庀材鳩工訖日擇地建祠堂於城室  
之東北隅且置祭田若干畝以爲家人歲時享嘗之  
所資越歲告竣長兒濂請爲之記余乃爲之記曰考  
右禮經之廟制天子七廟諸侯五廟大夫三廟士一  
廟庶人祭於寢以此知非在庶人之例皆得立廟而  
祭禮也曲禮又云君子將營室宗廟爲先廡庫爲次  
居室爲後凡家造祭器爲先犧賦爲次養器爲後夫

未營宮室先營宗廟未造家事先造祭器豈非教天下  
友本後始使不忘其所由生也乎余族自咎繇爲  
理以官爲氏遂姓理裔孫理利貞避難尹侯之墟食  
木子爰變姓爲李利貞十一孫老聃其母產於李樹  
下聃因指樹爲姓亦姓李雖載籍之傳聞異辭而理  
李之族姓則一此余李氏所從來也厥後子孫散處  
一居隴西一居趙郡居隴西者族稱北盛王侯將相  
名鄉大儒代不乏人其功德昭昭耳目者鄉賢名宦  
國祀家祠所在皆有蓋已食報無窮矣而余始祖諱  
思義者由陝之鳳翔遷黎之絳屏山麓長寧并固隴  
兩分支而爲別子者若繼別而爲宗得立百世不寢  
之廟則端自茲始蓋有禮以制之未可強也今禮習  
廟祀而祠不立水源本本之謂何頌徒悵愴林惕於  
春雨秋霜之候孝子蒸孫忍乎哉且今之創濠祠祭  
非其鬼竭中人十家之產以奉無名土木者比比矣  
至於尊祖敬宗之大典獨缺然不講何誠之甚歟余  
不孝雖未得揚着吐氣激昂青雲幸謀仕版皆祖宗  
在天之靈所庇也敢不竭蹶而滋以神乏祀之誓乎



子其承吾宗祧者奉先思孝益當踵事而增美也子其敬聽之是爲記

重修大通禪寺碑記

李芳黃

余里之辛村舊有大通寺歷年久風雨欺之椽崩垣圯寶相金姿日就剝蝕有人焉信心喜捨協力修葺庶幾歷劫常新乎前此廢興未可盡攷其傳之碑記者一修於正統之初再修於 治之末又修於隆慶之季此寺之所賴以長存也自隆慶迄今災燹迭罹且有陶於寺後者虧損山味衆僧不能自存而寺

廢予員其地去陶室僧稍稍復集二十一年鍾若梵聲

直與松風澗響相爲應 峇而中殿復煥昆盧藥師諸

佛復現莊嚴妙相僧性英海珠力也後 爲藏經所

財亦繼此重新釋迦世尊與文殊普賢復放大光明

者習性賓力也其西爲 十王殿因果報應儒者或弗

道然愚民昧厥性根觀此目前果報庶乎瞿然知懼

動色相戒古所謂金繩開覺路寶筏度滄津者其在

斯乎於是復募緣以新之者如浩如震諸僧力也自

金人入夢白馬西來珠宮寶刹遍天下而經卷一二

朝夕持誦者或寡矣此寺獨有藏經全部且錫目大  
內寶璽猶存歷劫火而歸然無損非有鬼神呵護不  
至此瞻禮如來者一緇寶帙有不肅然起皈依之心  
者乎通計諸殿及寺爲費若干皆出自信善諸檀那  
余懼其事之久而失傳無以爲喜施者勸因爲記以  
勸諸石後此信善聞經聲而止止庶幾有感於不斯  
文

創建永濟橋記

李芳黃

黎巖邑也去城南里許曰土嶺爲南北孔道賈客輪  
蹄交至而一錢溪流橫斷之春夏水溢冬冰斯泮兩  
岸崩圯窄徑歎阻行者前也後踈江口泔泔如雨計非  
梁弗克濟也而費若莫給伯兄杏茹也自大台歸目擊  
而心惻曰嗟此鄉邦予聞世人是行也縱不能有濟  
於世柰何任圯坎以困行道於是山山索金倡諸樂善  
者以築之橋成而輿徒悉賴以濟不數年橋復圯石  
工弗善也已而伯兄病有僧如曇性馨請更築爲不  
濟之計兄諾之與予各竭其力且爲文廣募於衆衆  
咸欣助遂大其規采石於山召匠於澗爰其爰甃鳩

工版築踰年而橋成南北路悉平行者屢東莊焉時予在濟南姪濂以書來曰憫行道之艱創是橋者吾父而贊之者亦叔也免釋卜之請復去是橋者吾父而贊之者亦叔也頌物無久成而弗壞者蓋勒石記之俾後之過是橋者恆道坦坦知其幾經籌畫幾歷歲月而始成念創始之艱思繼成之美以時修築庶其永濟矣乎予曰然遂爲之記命男清偕姪濂等立石道左題曰永濟嗚呼觀斯橋也如見吾伯兄之志也夫

中憲大夫陝西按察司副使整飭固原兵備李

梧岡傳

程大夏

中憲大夫李梧岡先生諱世英字伯傳黎城進士其先隴西熒煌人也在隋帝時有名嵩者爲州司馬其孫叔爲黎城尉遷潞城令遂家於黎歷宋元數百年代有聞人及明英宗時有錦衣衛尉名浩者當已已之變以忠奮見稱於時浩生英卽先生之父也爲邑學生次當貢見其次貢者貧而年長亟讓之當道高



其行蘊至今邑人稱美焉先生生而英毅秀爽強記  
博聞年十八通五經嘉靖辛卯以詩經雋于鄉乙未  
成進士以高第爲刑部主事陞員外郎時嚴中貴奪  
民田民訴于上勅下刑部理問同僚懼禍不敢直斥  
先生執法疏其罪悉還民田而閹宦屈服清直之聲  
震于朝右隨陞本部郎中有益陞寢物者株累數百  
人先生廉其實請誅首惡餘皆原釋焉旣而出知陝  
西鞏昌府葺地處山險民流先生以儒術飾吏  
治旌其良禮賢能而革其弊其豪暴於一郡內大治嘗  
遇饑先生多方賑濟旁郡就食者口數百人復教民  
導井溉田而民不若饑又其地有茶馬禁嘗緝獲百  
餘人馬百匹茶百斤者宜置之法先生以爲荒歉迫  
之也悉從末減又有山崇爲幻術以惑人先生激下  
之卽遣去人以爲潮州驅鱷之政頌神則焉及陞陝  
西按察司副使奉勅整飭固原兵備去郡之日窮谷  
老穉號泣遮留不忍釋乃繪像生祠而尸祝之先生  
以固原爲西北重鎮職任匪輕抵任卽修險隘除戎  
器廣儲峙數年而盜賊屏息葦戎亦望風遠遁邊徼

寧謚臺省謂其忠勤有茂績請改授近地而大用之  
先生以持滿求退屢請於上遂得休致嘗曰士君子  
宜甘澹泊而習勞勩以爲大受之資蓋甘澹泊則心  
清習勞勩則力健然後可以勝大任而無覆餗之虞  
先生敦歷中外十有八年忠以奉公誠以愛民剛腸  
嫉惡急流勇退真可謂心清而力健任艱大而克勝  
者矣其生平行實詳於穀泉宿公椿所撰行狀中其  
卒也年甫六十有一其子抗爲邑庠生後亦淪落不  
遇鄉人惜之常爲之道其行實因爲之傳俾後之人

先生之風亦足以景仰於不替云

李金漳先生小傳

程大夏

鄉賢李先生諱甲黃字九影金漳其號也黎城人以  
孝廉署安邑教諭陞安平令

勅封文林郎奏昆晉秩以水部郎終予治黎之三年始  
奉

上命送入鄉賢祠而崇祀焉先生文學德政所在敦歷  
有聲而其生平所志焉而未就者惟理學一事而已  
夫理學絕響於明季百有餘年矣如姚江慈谿河津

諸君子位既崇高而又生當聖明之世其時從遊者衆相與後先推引故其成也易而其聲施亦大且遠所最難者澠池之月川秦州之良齋餘干之淑心或以下僚或以布衣直與諸君子統緒相承雖其踐行篤實足以震動人心亦其所具之福命有獨厚也吾先世起家經術代有積善至父而上率角巾深衣行應規表其宦於四方也皆以爲有伊洛遺風而處於道學流失之後不克大振宗風從祀鄉賢者僅先夫東謫公一人耳先生雖家澠池而於謫公可川謫公教之蒲霍二州亦數百里而遙乃毅有志理學觀

其與刁君蒙吉往來之書及所著辨道錄斯文正統諸序津津乎有秦州餘干之風矣惜坊季無有以講學爲事者其始也與姚江角則金象山而攻之其旣也宗姚江者浸微而流入於二氏其終也又將二氏與孔孟渾同而一之附東林攻東林傾側撥擻者數十年當其時欲奮起而倡明濂洛關閩之學豈不難哉先生空抱此志僅得一刁君與爲印證而刁君亦泯滅無聞焉良可歎也先生事親也孝居官也敬其



治民也嚴明而惠和而其處州閭鄉黨也惠與義交  
 至焉理學亦庶幾躬行而實踐之矣其詳在才君壽  
 序與志銘中余不具述今先生得借其第杏苑公同  
 侍贈君太先生於俎豆之列父子昆弟春秋饗祀不  
 已榮哉使先生生於河津月川之時得分一席其崇  
 祀亦不過如是子過長寧村見先生子姪若孫比屋  
 而居孝友敦睦恂恂乎有萬石君之遺意焉其杰出  
 者又皆力學而能文以是知先生之彞教垂裕後昆  
 者深且遠也故採其生平之節畧而為之傳

復之家吉書

李序黃一

以文章雜世不若以道德雜世以道德雜世不若  
 以道德之文章雜世何也道德者文章之文章易極  
 也如黜文章而伸道德恐人莫得所從入如專事  
 文章而不本於道德是百家生而六經死也故雜  
 世者必以道德之文章先生正統一書所至最正  
 所收最嚴真道德之文章也雜世之書也不肖生  
 於薛文清之鄉曹月川先生教行之地少知所嚮  
 往而人皆憚腐避迂不譚此道久知畿南有孫徵

君刁隱士劉容城固執無由得見偶於匆匆邂逅  
一席話真有傾蓋而言終日之戀快我廿年願矣  
但俗吏匏繫不能越封而造高人之廬耿耿於心  
遠承慈使見遺知不鄙棄益爲佩服

凡志中所載詩文皆因山水人物而書也如濟  
南北地臨嗣諸名家制作充棟各有文集行世  
豈待志而始傳全渾先生經術推重一時著作  
亦富如此書與辨道錄諸序皆無關於山水人  
物志用錄本傳之後以見先生志於理學有如  
世志中與約但取一斑此物也志也夫

又復刁家古書

李甲黃

弟遲原獲幸得近有古書一書兩接傾欵數冊書版

覺有駁駁自心之書數十年讀書之乃如有所祈  
嚮印証也匪佞匪假窮雖爲俗吏日來門庭肅靜  
有如深山自致忠敬於民頗覺有似古人先生知  
己故敢後聞但得再爲提命尊聞行知不敏願勉  
辨道錄付胥抄謄纔細閱性辨一冊有妙不容言  
老其醒透處過於近思錄必傳好書也至復戴燾  
老書語語俱有原委且有實據使後學憑以下手  
不爲模稜游泛之語敬服敬服愈辨道錄竭力賚  
送退谷書尚未遑細讀客閨完壁上臨緘依依不

報申島盟書

李甲黃


昨蒙慨然走牘足似骨肉夢也銘佩曷能已先生  
恐學道之晚未必能成先儒云吾於踐履未能純  
一然纔自警策便與天地相似此可以知吾人力  
學一念有一念之益一日有一日之益但能踏定  
脚根修悟漸進窮神達化過此以往事耳非必曰  
吾學至某人怨其名者但得自身泰自心快足矣  
吾師老而無成不勸息於不學而老者乎第勿學  
之執謂晚近之無龔黃簿書之無游夏謂其服美  
服久欲走使通問謝教而駑鈍不敏兼所謂趨捧  
亂天机措不敢造次於大君子之前是以耿耿至  
分耳

報衛伯嚴書

李甲黃

前小集得聞高賢警欵喜甚敬甚服甚知力主性  
善一說且發明氣質之性之說最為明確逼真道  
學種子濂洛關閩豈異徑哉其在今日如空谷中  
聞楚然之音也此道之在今日無言之者豈盡無





原件短缺

知之者哉畏其難而不敢言憂其機而不肯言台  
 丈英風撲氣有懷噫然此時之所難賦之獨厚操  
 此以往自所向無前矣伏願猛力承當加修無已  
 舜文清曹真予先生輩不絕響於五里矣匪諛匪  
 諛懇切懇切第有諸道錄一部得之才家吉先生  
 若有道學宗傳一部得之孫中國先生者俱抄去  
 谷檢奉覽暇中過寓促錄為案

傳

李孝節母傳

戴廷斌

孝節母者黎李之占黃瑛黃蓮黃芳黃登黃五子之  
 母也母王姓諸生安民女歸諸生養純事舅姑考姑  
 稱之曰新婦類我姑卒而舅病弱不良於足每飯母  
 必先意其所喜甘肥而進之使其孫侍於傍趨於案  
 母候於厨飯畢始解帛離竈如此者十年而舅卒母  
 傾產禮葬曰不使吾夫子有憾於地下也蓋養純先  
 其父卒門內外事一決於母母教其子占黃官至天

台令瑛黃官建德令題黃食儼芳黃官濟南別駕登  
黃爲諸生皆有文行占黃事母尤以孝著母七十六  
歲精明無疾而卒曰老婦忍死至此可以不負吾夫  
子臨沒之言矣蓋養純將絕其舅問所欲言曰養親  
教子兒婦似能此者直指闔黎人之稱母之孝節以  
及子占黃之孝也旌其門曰節孝上黨之間稱甲姓  
之有禮有法者必以黎之李爲先蓋由孝節母之教  
外史氏曰孝節母之行吾聞之張子天斗天斗不虛  
言者與占黃友善天斗甲午中舉禮止黃周旋不吝  
長避及占黃官天台孝節母雖前命天斗於縣曰子  
與吾子善且敢言可往以老婦之言誠吾子寧可無  
罪上官不可得罪百姓天斗至天台以節孝母之  
誠占黃占黃不敢得罪於台之百姓也匪惟其母之  
教乃其子亦孝子哉

鄉賢李杏苑先生傳贊

古所稱稱先生歿而可祭於社者吾於慈城得兩先生  
焉曰金漳曰杏苑金漳之父諱養志杏苑之父諱



養純兄弟也金漳之父久已崇祀鄉賢兩先生又以  
其鄉之公評舉於有司而聞之

初下郡國俾入鄉賢祠享春秋之祭甚盛典也兩先生  
品行學術相為伯仲而其差異者金漳以理學兼孝  
友而杏菴則以孝友行其理學者也先生諱占黃字  
杏菴蓋嘗居天台矣其政蹟著于天台吾不具述述  
其孝友之六節蓋有足傳者先生少而失怙事母受  
敬而有禮處兄弟相而義遇族屬鄉黨則嫻睦而廷  
紳是數者吾以孝友蔽之何也人情孰不欲愛養其

親然或不孝而父不為信老於其可則其所得於  
訓也淺即勉紹箕裘亦未必大有所就先生弱冠而  
孤祇奉母訓凜凜如立嚴父之側暑帷雪燈敏皇不  
少懈為諸生僮僕有聲出知天台祿養有加未幾歸  
歸終養四十年如一日何其孝也人情孰不欲愛其  
昆弟然幼而寒暑一衾長則別籍異財者比比然矣  
先生有第四人以兄作師督訓諄至析產則取其瘠  
陋五宅仍同一門自稚齒以至強立無忤色今登仕  
版者為建德令為濟南別駕餘皆以文章馳譽膠宮

則其表率而成就之者可不問而知矣何其友也人  
情孰不欲厚其本支然或意之所至而阻其力或  
拘于一念之愷惻而久不克繼求其如范正之委  
曲周至蓋亦鮮矣先生家世居長寧村村中北闔聚  
處烟火百家望之若巨鎮焉少長䟽戚怡怡然仍如  
一艾之子徙入邑城亦晨夕來往不稍間又置義田  
貯公所有貧乏及婚葬者贍之何其義也人情孰不  
欲充其鄉鄰然而出入與偕歲時伏臘斗酒相過從  
寫驩而已否則緩急相勦也

獨鄉人之無告也而任郵必周憫鄉人之無知而卽  
於頌也倣古闡胥黨正月吉讀邦法之制朔望集公  
所奉六諭明白曉暢以教之由是鄉人皆知守禮而  
重犯法何其仁也人情孰不欲仕然上以悅其長官  
下以惠其元元勢有難以兼善者先生之任天台  
也太孺人囑之曰寧得罪於長官勿取怨於百姓夫  
天台固浙東名區也赤城天姥諸峯桃花洞口逸少  
所謂在在金堂玉室者金松乳柑花石方竹之美生  
焉先生歸而明月滿舟清風滿袖惟斤斤以或違母



訓是惕何其潔也夫以祇奉其母者上報其父而又以和其兄弟者順其母且以事父母和兄弟者推之以厚其族閭州黨而惠恤其民人故曰以孝友行其理學也今其嗣 某某 等仰承先德家政總於太孺人而長公又以其孝友之心和其諸季亭榭花竹高朋滿座子弟誦讀之聲咿咿達戶外所謂孝友之後常有孝友者非耶天之報善於此爲不爽矣先生子四人長濂拔貢生次澱泐澍皆入太學

贊曰云謹歐陽氏灑岡汗表而歎其仁孝之言藹如也蓋文忠之父少孤方學以成名太夫人述其生平以告文忠文忠泣而志之不敢忘亦以少孤力學光大其先人且曰爲善無不報而遲速有期吾於李氏亦云然

烈婦崔氏傳

崔道岸

烈婦崔氏余兒崔郭女也生負秀質幼嫻閨訓長字長寧村李嘉嘉寒素受業於其伯冲虛先生婦自適嘉後相夫子事舅姑食貧茹苦晏如也崇七年流寇掠村男女奔逃婦獨與賊遇賊簇擁欲劫去婦大



罵曰吾儒家女也儒家婦也肯受賊奴辱乎速殺可耳賊鋒刀環列強被以綺繡載諸馬上婦罵不絕口奮身投地者再三觸賊怒殺而碎判其體時年方十有九見者莫不心摧膽裂聞者亦齒骨俱酸卒相謂曰李有婦矣崔有女矣夫天地剛正之氣不爲忠孝則爲節烈然而慷慨就義在鬚眉男子猶或難之顧欲得之弱女愚婦乎考潞志有雄山焦婦正德間爲薊賊所執仆地不起賊曳之里許膚裂血流而死同時有趙袁二婦賊臨之馬上投地忿誓賊憐其色後

按之上馬終忿誓不屈而死方之於今可以益垂不朽矣余故質錄其事以爲傳云



墓誌銘

夫人任氏墓誌銘

明何泰

夫人任氏邑人任賢之女也生於有元辛未年歸西  
行里士人王惟栢夫以道事舅姑以敬遇鄉隣以賢  
惠著聲可謂克盡婦道也惟壽四十有四而卒夫人  
年四十有二誦白不觀世音經紡績克勤撫幼子女  
戒之義方長子敬宗次子敬祖次子敬身字伯榮其  
名敬身者以爲敬莫大於敬君父敬君父莫先於敬  
身能敬其身必能孝親忠君乃遣入邑庠爲弟子員

後果以材請登科成均歷事居優等除工科給事中  
 夫人享壽八十有九誦經無恙而卒時永樂十七年  
 三月十七日也卜葬於歷山之陽訃至京伯榮歸哭  
 奠于墓前邑人各持牲醴致祭焉伯榮曰吾七歲喪  
 父賴母撫立成名不獲終養又不獲盡含殮之禮是  
 不孝之子也厚禮來祭于予心亡愧焉跪謝而歸一  
 日伯榮持狀請余述誌銘而勒諸金石余因按實述  
 誌而銘之曰德門之出徽柔嘉是福令德令儀奕奕本  
 交按宋永開王以孝廉為古真府判未聞有給  
 事黃門者竟何時有日舉于顯云 州姓有流同知古

之由諱李益者乎中撰文之何家勳志教論中亦  
 無比人豈斯氏當出蒐羅去及耶抑亦謬張名給  
 以其後世耶即其子給事黃門亦不得稱夫人但  
 有其碑存焉文鄙俚不足采故節錄其聚以存疑  
 云

鄉賢李冲虛墓誌銘

朱之俊

余以告養歸里友人孝廉李金漳衝寒走五百里訪  
 余於綿山之介巖坐少頃淚漉漉出一紙為太公請  
 誌銘嗚呼欒欒棘人衝寒走五百里越山而來余即  
 不文安可辭哉按公諱養志字冲虛後更字若曾號  
 孟鉢先世遷自陝西鳳翔世業農而有積行曾祖紀



養馬數百匹出入惟乘一駒走趙魏間有宴人數十  
擁馱前公訝之以爲掠已者皆羅拜於前曰吾輩德  
公久矣薄具果餌以獻其生平好施予而人德之類  
如此祖東略公諱天龍樂天知命齊興於酒有嵇阮  
之風歲荒以粟貸人至豐歲其人如券償之悉焚其  
券弗取也父小略諱之馨性坦易醇厚不輕怒卒之  
日哭聲填里巷喜讀書日誦名師課子弟生子五贈  
君其仲也贈君博物洽聞有才名性至孝母病侍床  
下衣浹旬不解父終哀毀粥不入口者數日生平不

書松巖卽月錄亦供家用至買書盡不給孺人然其

以克之折居後兩君舍弗悵意公恐墮入公憂

以已舍易之股田任所揀擇弗吝也開塾以課子弟

凡里族中有可教而無資不計束修皆教之至今編

屏之下嘒啻聲琅琅也西戎間大寇將渡河公於卧

半山頂建石寨名曰盤石鄉人賴以全者居多公性

質實心口如一人有過卽面責之與人嬉遊或有鬪

于品行利害者必正容以爭之一鄉之中召子有所

持而無恐小人有所畏而不爲少年治舉子業先生

長者以爲必售久之猶踴躍不前語金澤曰文章憎  
命達可若何是在汝曹勉之哉竟以明經授州州訓  
導忻人丁以米生辱于宗藩日相噪不下訟於撫按  
上聞於天子猶噪不已公至披誠諷諭而解之終  
明季宗藩不至次裂以激地方變者一廣文之力也  
沂明倫堂峻甲子晉歲久而圯公集僱鳩工更葺  
之州守丁公韻舍請金澤爲碑文以紀其事司理房  
云允指正公飛其狀首以薦刻上會賊逆入無破忻  
州守加守通公長俱職公以老病辭歸里國破君

意憂不勝書一紙醫所請書十四三不朽未之有能五達道慮  
無恆遂疾革順治六年八月初五日卒於盤石寨享年六十七編  
人郭氏先公卒子三長甲黃與午舉人郇金澤也次元黃也學生  
次鼎黃孫七長穆增生次宜振次宜繩俱甲黃子長鄧次吉俱增  
生次歲次麤備業俱元黃子曾孫一屬雖業備馥生順治八年十  
二月廿三日附葬于祁孺人東山新阡銘曰盜牛守劔誰急之勸  
管子揮金亦爲誰見跡其行藏董惟趙香斯道家落人之三書  
不負世三槐于檢德不負世桂陰覆砌誰其券之介若石獨

李水部墓誌銘

登忠宣誌李水部之墓其文至今傳布焉愚不敏何敢望忠

宣然今之李水部固不愧有宋之李水部也請同忠宣而爲言  
可乎忠宣之言能重水部惡之言未必能重水部而竊願以水  
部重吾言蓋余交水部於其室百里時也百里之邑與吾郡相  
去甫二舍始焉邂逅一遇欲若平生既而相守不越境之義以  
文藝相往來久之志同道合符符長下陳蕃之檄布衣束康節之  
車每一把臂日談經講道以爲常凡字下知名士罔不造膝  
與者彷彿書劄白鹿故事及其內遷也先一可謝政次日每  
下邑以斯文在茲四字表宅里登堂拜老母授衣信宿而行  
借往時已束裝就道乃設帳西門外稱觴以壯行色士民  
者後先濟濟先生不以爲榮則以余一

諸君子知交頗多在先生門其表表若客若何言人言  
落之感今年夏仲子不遠千里以厚幣來請於先生  
索誌銘余義不獲辭夫是以効擊忠宣也抑狀先生謫甲黃子  
九影金潭其別號也其先世皆 高大父紀生東嶽公天  
寵天寵生小嶽公之馨之馨生贈君冲虛先生諸養志以明

爲忻州廣文孝友忠廉無德不備贈文林郎生子三長郎文  
也先生生有異稟五歲入小學出驚人語舅氏慶齋高公嘆爲  
非凡兒年十三爲諸生十九食廩學宮每試輒冠軍邑令文澄  
吾先生設西席賓禮之潞憲副王公賓吾建書院四方英才咸  
聚焉先主年最少衆推執文壇牛耳丁卯成選士庚午薦賢書



躡歲丁太夫人憂凡瘞殮葬祭一準文公家禮必誠必信寇亂  
 奉太公居城內佐邑表為堅守計時山谷民逃者相涉可疑  
 當事即以好細論死先生從旁解釋之存活甚衆甲申聞變奉  
 太公匿山中與友大河君雲耕暨兩下嘯傲於里之繡屏柳浪  
 間或對月吟詩或登高作賦已而丁太公憂哀毀一如喪太夫  
 人構一小園曰菴園于梅花竹及桃李諸樹鬱葱可觀化兒子  
 窮隘然其中不知天地間何樂可以易此也性好遊龍門熊耳  
 石山俱有題咏傳誦一時歲壬辰親知感勸之仕曰吾子  
 濟諸畧而以山林老豈造物生才之意乎勉上春官不  
 及安邑教諭先生曰教學惟長此吾當也

修先生教澤州並州成規一一躬行之邑有 題書  
 院少宗伯呂見齋先生王烈其中一見先生相與為  
 忘分交先生遠師薛文清近師曹真予以講學為事  
 鄰封從遊者濟濟乃創尊經閣以藏書史建文昌祠  
 以興文運修昔齋齋以為師生藏修息遊之所越七  
 載遷安平令安邑士人立祠鑿碑如霍蒲之不忍舍  
 靖修先生焉真子蒞安平以小邑為畿輔近地衝疲  
 難治前令率皆催科是惡獄訟盜案無虛日先王至  
 以教化為先務取聖諭六言字疏句釋每朔望率薦

紳士民大集公廨命鄉老開示大義詳明懇摯宛然  
家人父子焉又作諭俗諸歌四境傳頌聞者輒泣下  
繇是鞭扑不事而民樂輸訟獄盜賊亦漸息其教士  
也每季更其品題而獎資之間與予辨紫陽姚江之  
學於幾微異同之際遠近宗之有鸞湖鹿洞遺風諸  
生有虛母慕者先生屢造其阡賜以廩粟聞於督學  
使者旌異之而風俗丕變有惡少以小技竄名官中  
商賈魚肉則里長吏莫可誰何先生一切置之法  
或謂戒勿犯規頃令有寡人在官者視米米為商

決其歸入人囊寧少言而許諸其人皆懼不能言  
先生鞠之立得其情交坐以無人稱神君辛丑部文  
核戶口虛實州縣多以蓄積自能解先生泣然曰民  
方幾何加賦加徭其能堪乎乃於弊窳悉為蠲弛無  
告者皆除之每視事日則知食執掌至嘔吐舊有供  
官銀每社五十金先生一無所取國法首重逃人每  
獲一犯榜蓮數十家先生曰朝廷豈樂有此凡有緝  
獲止解本犯不勞及無辜有諸生歸自都中者曰不  
至督捕堂不知博陵令之陰德無幾也三載奏最音





有不道學之經濟用六仰愧忠宣之經濟兼爲水部  
言道學天下原無不經濟之道學前水部以經濟當  
道學後木部以道學爲經濟道學邪經濟邪前後兩  
李芬人齒牙

處士李行漳墓誌銘

李甲黃

余弟行漳卒於戊戌之正月念六日卜葬於十二月  
之念八日諸孤佯走使於安署請誌嗚呼余何忍誌  
吾弟哉以生平相好無猶兄弟而一旦杳然隔世  
余何忍誌哉然以相好無猶兄弟而一旦杳然隔世

相隨燻之之次奏少長無間隱顯畢借而王此假筆墨以  
傳其行過此而渺無卽者余又何忍不誌哉弟爲先君中  
虛公之仲子名元黃字公長行漳其號也先君爲王父小  
峪公之仲子小峪公爲曾王父東峪公之長子東峪公之  
上余高祖諱紀紀之上諱思義皆行善之隱君子非僅  
僅農家者流其家豐而奉薄人壯而甘養馬數百匹而  
出入必騎驢歲儉焚券合抱而不責償余童子時村墟之  
父老咸能述之而余樂聽不倦至王父而崇師儒嚴訓誨  
先君况弟肆力於董帟而詩書之澤益大余暨兩弟皆受

庭訓焉仲弟少余三歲幼而多病大人寬其督責第令識  
字足矣然成童卽能讀書善屬文補弟子員名聲噪藝林  
壬午科受知於督學李公按憲王公試皆冠軍時文價直  
足令洛陽紙貴以爲哢手青雲而不售滄桑之後余亦經  
意仕進第接羅葛屨日携茶餽酒壘陶然於家塾間未嘗  
以治生煩諸慮後方辭徵爲一師聖賢以教子授徒而已  
四于頭角峻出管未嘗就外傳弟之尤過人者心無城府  
遇人接物存懷必吐其不避忌語處衆皆却之士者頌之  
又善講說凡語皆機開者道則令人嘆大難昔以風諫出

之師者足以感趙清獻公畫之無爲夜以焚香以告天第  
不必告也與天相忘而已余計陪客長安第計音至都妹  
婿伯仙甥駉五女雲輝皆失聲對哭於天壇之神樂觀而  
秘不令余知其見戚於親友者如此享年五十四歲子四  
鄒吉歲蕤孫男一庭輝卜葬於東升父墓之穆次循馬鬣  
也昔賢云生平無一事欺天今以送百骸歸地是宜銘銘  
曰無繫其良爾德允臧書田不獲深悼其亡雖然爾男則  
多爾子則孝人生生一科第不如生一孝子況孝子而未  
必不科第孝子之後而有必科第者哉爾亦何憾人亦何

季城縣志 卷之四  
悼千里徵官有舟奚擢諸孤徵言臨風長眺

州司馬李鳳漳墓誌銘

田喜霽

公諱鼎黃字季耳別號鳳漳贈君冲虛先生之季子  
水部金漳公之弟也公少精敏磊落英多讀書過目  
即不忘補博士弟子員嶄然見頭角談經史百家若  
河決東注一座盡傾黎學宮久圯掃星內鞠為茂草  
見者每心傷之而不克鳩工以更新公毅然以為已  
任捐貲出粟傾囊倒囷而不惜督撫廉其事以為其  
義可嘉也疏其事入告遂准入太學授州司馬公逝

上國歸益端木淑修不肩傅以功名畢志仕居十餘  
年以康熙十四年卒年六十有五從葬于東阡太公  
之墓側古人有言仁者必有後何獨至李公而不然  
哉公性孝友父母就養無方長兄金漳先生雖早歲  
登賢書三十年不仕與行漳公居然寒素事二親養  
與葬公加任其事未嘗有恹色伯叔父母及姻戚中  
或殯殮無資者公皆慨然助焉其叔之遺孫與曾孫  
畏養之若已出昆弟三人篤念天顯生平無少隙其  
於故舊交遊終始一心未嘗變易有所薄厚歎數焉



不爲人翁熱亦不爲岸異斬絕之行故賴以舉火藉  
以成立者甚衆庚辰辛巳大內大疫公濟饑瘞殫不  
惜物力已丑姜鑲叛掄擲而猥冠者乘亂竊發公里  
門戈馬無虛日他人悉遠避山谷公獨不去葺岩保  
障一方官兵利人之有動誣以逆執而殺之若刈草  
菅公見之力爲解免言重險不顧也庚戌自春徂夏  
不雨公捐米助設粥廠就食者日千人存活甚多辛  
亥壬子復大饑施如其前其慷慨義俠多此類公雖  
漫游湖里自有經濟才情未雨旻然而思學若思之

跡遠者無所然其義可尚

人山東禹城知縣長子太學璠之女生子多不育俱  
室江氏生女一嫁王禹城之名孫澤嗟乎信道無兒  
天道何可問哉霽於金漳先生邸舍得晤公嘗坐談  
竟日不欲言別孰知竟滿焉八逝耶籍嘗讀其生平  
居家孝友處鄉敦睦可謂德克矣測人之所不能測  
言人之所不敢言可謂言立矣以有德有言之人之  
能立功是以於禮樂文明之地

建政教彼闕者衆莫肯爲而爲之公其不朽矣夫其

猶子馥御吉諸君走使長安函所自爲狀請壽爲銘  
銘曰

公德則茂公言則傳泮林好音公功懋焉有三不朽  
而胡咎於天職州司馬而樂田園優游適志笑謝塵  
寰白楊蕭瑟鬱鬱東阡

太學主高伯仙墓誌銘

程飛雲

高公諱步蟾字伯仙愛天馬山結廬兩峰之下故號  
兩峰其先世爲黎亭右族九世祖昇正統時舉孝廉  
三傳而繼爲太學生爲狹道監汝郎官六四傳爲良

齋公之大父也良齋子爲家生公公生而清標令器  
長而好學善屬文博覽有入畧久之以太學生終君  
子惜之公先世雄於貴及乃祖驚寰公才氣超軼弗  
屑屑治生業經荒熨家道中落公以成童失怙田僅  
食餘夫室廬聊蔽風雨意泊如也而奉母則洗腆滑  
甘不少缺幼見賞於李贈君冲虛先生先生有人倫  
鑒每以快婿目之公遂師事先生得其傳於書無所  
不窺而尤喜孟子嘗曰我之學從一部孟子中來故  
生平大槩不離仁義二字夫仁義之道嶧山大闢其

說以此歷說齊梁間一時淳于宋鉞之徒靡然不得伸其舌其巖巖太山之氣有以留之也公以孝奉母以讓友弟以仁厚睦曠澤其黨族婚女拯人之危雪人之冤貸債而更卹其後非義而自捐其貲收養孤丐而殘廢者不至捐瘠出而施而遠邇䟽戚任所資而無德色以至債滿負其責金施義冢表烈貞種種善行不可殫述如公者豈非伏仁而立扶義而行者耶士君子窮居里閭讀古人書孜孜不遑息相與談論未嘗不以聖賢豪傑相與考究觀其所樹

一二事之幾于道不可得豈非好言仁義而不能躬行者之過歟聞伯仙之風夫亦可以愧矣黎邑目

國朝莫鼎越十五年而文風不振公之伯子星雲始領

鄉薦可不謂榮焉而公猶自奮思決起霄漢丁巳赴汴試年已六十矣而壯志不稍衰越五年而俎鳴呼惜哉雖其生平幹濟之才未獲稍展而拒大同之賊不犯其鄉辭闖逆之官不撓其節寬民力於坐書之音減鹽引於立談之頃甚里人猶樂道之非其得於學術者宏歟嚮使少而掇巍科抒其懷抱以襄贊國



是其所就何可量也然公以瘠產蓬居恢宏舊業振  
其聲施子若孫賓賓高翥焉不可謂非躬行仁義之  
效矣公有兩峰文集子漢溪垣雯將刊行于世卜吉  
于癸亥年二月十八日附葬天馬山李孺人之墓迨  
公行實而請誌於予爲論次其生平如此公生平前  
禹 戊午年卒于今康熙辛酉年元配李氏子六長  
星雯丁酉科舉人次漢雯垣雯邑學生次曜雯虞雯  
奎雯俱幼業儒孫男三把庫生哲遠明本俱幼信曰  
水滄涼山茂義其人 塋生兮葬于之岡欽爾行峻爾

節蠖伏而無起兮光于奕葉嗚呼懷仁而履義兮惟  
此攸宅

明鞏昌郡司馬奉政大夫陞納徐公墓誌銘

高步瞻

鞏昌郡司馬 徐公陞納者予中表父行也官於故明  
卒於大清其出處節行卓越而無誌以銘之可乎初  
以誌銘屬之邑孝廉李九影先生會不暇及又責其  
事於蟾夫賤不銘貴少不銘長孰是蟾也而可銘公  
者公家負子幼過此則芳躅湮矣予不愧不支勉爲

公誌之公諱文獻字子微號陞納克明太公季子也  
家世黎人祖全崗先生爲邑茂才太公以耆德推重  
於鄉公生而雋異長而從學於余先大父先大父公  
舅氏也年十七列邑庠明禧宗時思選太學生筮仕  
浙江台州府幕戢署天台以治最陞陝西兩當縣令  
時城被寇陷公至白骨山積皆設法瘞之遇大荒蠲  
俸糴賑六載間嘗攝篆鄰邑兩當及伏羲清水之民  
咸稱神明父母而尸祝之當道上其實蹟陞華昌郡  
司馬理屯兵駐銀夏命甫下車下于闐借苑園中公念

然拔刀引決兩當民痛哭能民歸公匿巖洞中  
申聞變慟號幾斃遂設龍位焚衣冠不復問人問事  
州守盛廣亦相依洞中公事之如居官禮盛公辭曰  
我輩避難慎勿以上官相遇也公涕泣曰存一日尊  
卑卽存我明三百年冠履河敢少易處洞中凡二年  
躬自樵汲墾山間存田爲饑粥計曾勒字於石壁曰  
寅恭偕隱又建關帝君祠於洞口以自矢闖賊迫之  
官公弗出國朝定鼎始攜家旋里行至鳳翔秦民  
遮道留公求爲保紳會大兵臨陝孟督師以華昌兵

傳道授公公以老病辭徵召至八九公曰戎備由待  
期之人尚復何爲有懼公以禍若公嘔血數斗病九  
閱月而卒公端儀慷慨敦大節勤小物臨財廉取子  
義居官十餘載仍如寒素子三長爾悟先公死闖難  
優詔恤之公曰我家貧力弱何以達天聽也次鼎盛  
季蚌哥孫芝眉分年於明萬 甲午歲十二月朔日  
卒於大清順治戊子歲正月五日是月卜葬於城之  
南公于死於孝公死於忠爰爲之銘

銘曰疾風拔蕩勳 尊烈然義令身殞懿悠蒼天哀哉

人斯何範何瞻

卷之四首闕

奉直大夫山東濟南府通判加一級藝苑李公

墓誌銘

吳興

余性拙寡諧官京師十年自公之暇惟書史爲娛交  
遊絕少然每遇鄉 三朴誠之士相過從輒中心好之  
愈久而不知倦中間得黎城李公藝苑篤實君子也  
其邑居與余沁相距既不遠同爲占上黨郡地余昔  
年嘗道經黎潞間識其鄉之風土亦與余沁無異及  
與藝苑遇又居然長者遂時相過從歡然道故鄉景



物居家孝弟力田勤儉忍讓之事甚悉未幾藝苑任  
郡濟南而余副憲中臺彼此遂不相聞間歲癸亥余  
聞先通政公訃奔喪旋沁而藝苑亦已謝病歸黎矣  
里居雖近而余方執紼襄事哀毀之餘閉門讀禮末  
由邂逅素心相與晨夕迨丙寅之春正月既望余服  
闋方臥病而藝苑之子潘一旦扣門來告口先府君  
不幸於去年秋七月終矣墓中之石乞先生一言銘  
之嗚呼余素知藝苑者雖不文不忍辭也藝苑諱芳  
黃字元叔居苑其別號也其先無風刻自去未幾子因

家馬遂爲潞之潞城人高祖和生天寵天寵生之  
發明萬 間歲進士進士生養純孝女性成精六書  
舉子業補邑庠生早世卽藝苑父也以子貴封奉直  
大夫如其官藝苑天資醇厚甫四齡失怙恃母居曲  
意承志極盡孝養有三兄一弟其伯兄原天台令占  
黃則藝苑所從受學者也藝苑學成行立早遊庠序  
人咸服其器量母卒躡踊骨立殯葬如禮又遵母志  
贖甥楊氏子至於有成藝苑居家惟以力穡爲務用  
是克廣先業因出其贏以置祭田建家祠歲時伏臘

族之人少長咸集有古義門遺風性樂施予凡比閭宗黨中有婚喪貧無以爲資者必周急焉而又敦古道重然諾處平生知交間不以生死患難異其心先是邑令有以事去官而爲羈終世客死於邑者藝苑爲助給資斧俾得扶柩以歸有丞流寓因著籍藝苑育其諸孤使各有所成就又挈費千里馳驅河洛賻亡友歸骨故鄉其誠心高義皆吾人之所難而今人之所絕無而僅有者他如修橋梁代人代粟焚券善之所任無不力而行之下可憐憫而熱死之居亦其類

凡如此及其通判濟南也到官之日視民事如家事惻惻無華不急聲譽一切澹訟諸務承驟即行一以勤謹平恕處之官無留事凡厥長吏俱委重焉四年之中一攝道篆兩署州邑所至以稱職著聞蓋藝苑之胥官其都凡如此使天假之年游歷顯朝其所建樹當不止此乃不意以簿書盡瘁謝病歸里曾日月之幾何志未竟而身已歿矣嗚呼豈不重可惜耶藝苑生於明丙寅年二月初七日亥時卒於康熙二十四年七月廿一日申時春秋六十封奉直大夫山東

濟南府通判加一級配王氏贈宜人繼娶王氏子五人長潛候補府同知次涵候選府通判次瀾候選訓導次濤歲貢生次浹幼業儒孫一圖南業儒曾孫一肇麟幼將以康熙二十五年三月十二日葬於長寧鄉繡屏山之舊阡爰伏枕而爲之銘曰

是爲藝苑質溫器良任真自然燕焉歸藏既固且安厥後彌長

侯補府同知李含公墓誌銘

李質素

康熙己未余宦郟曲長兄藝堯別駕公與余縱談古學節慷慨有希文自命之志及筮仕濟南循良懋著當道諸公莫不交口薦譽固深幸宗之有人也越辛酉舍公侄亦謁選銓部候余宦邸風雅籍甚余不覺撫膺曰江東仲謀適吾家小阮也渥洼洵有種哉癸亥余衡文粵西過長寧省吾兄始知舍公捐世西河之汨林木興悲天何奪我舍公之速也其弟別駕澄遠訓導秋水持狀泣焉誌銘余辛楚之餘何堪構穎然知舍公最深又安忍不爲之表微耶舍公姓



李氏諱潛字鑑西別號舍公世居黎之長寧鄉自始  
祖思義公以來五世祖朝綱公高祖東峪公皆抱隱  
德曾祖實軒公舉歲進士有古君子長者風祖贈君  
心一公早歲采芹名噪閭里以子貴贈如其官贈君  
舉丈夫子五藝苑公行居四藝苑公五丈夫子舍公  
其家嗣也舍公生而穎異長而醇和年方舞象遊賦  
子矜辛亥貢入成均得從賢士大人遊業日進行日  
修其幼學狀行席珍諸獻之榮贈於是基之幸西考  
授中書旋陞授同知志以授其可也矣丁未妣王

祭文

君喪哀哀... 悲喜百容吾兄懼世

祭文

再三乃歸黎人子舍公之... 夫隨吾兄宣

祭文

督捕廉監弗... 濱理祭治制舍公

祭文

餘佐吾兄搜... 志心籌畫以至寢食

祭文

成疾吾兄懼... 也命之歸時壬戌歲

祭文

吾兄亦以... 瘳疾特告歸里而

祭文

呼天之... 人爲何如哉其是

祭文

公獨除... 連笑獨者出其

而焚之 是歡聲四起咸誦吾兄之仁而且稱善述

之有子 他饑寒疾苦婚嫁死喪凡目之所覩身

賑卹惟 是視其慈報仁報天哉者如是使天

假以年所 民社之害 誠以福召杜不專美於前

矣何一給 夫縮而竟潛 然含玉之後昆

弟傷焉鄰 問戚焉交遊 則他人之草

不同朽 何如哉 謂之不死可


忽念公生於順治二年丙戌正月十四日卒於康熙

二十二年 十一月十八日 葬

項氣定神清語不及私其殆易簣 跽正者乎元配趙氏  
氏爭姑克孝持家克賢繼王氏子 圖南幼業儒娶張氏  
以卒之本年十一月二十九日葬於繡屏山之原銘曰萃  
應旣膺曷爲乎弗霑壽祿天不憖遺碩果不食俾蒼生未  
蒙造福然施政於家者仁心仁聞而貽謀燕翼者則視  
履之靡不歡夢嗚呼傷哉用作銘於佳城聊代爾兮執紼

25228





原件收藏

# 山西省图书馆

(康熙)黎城县志四卷

(清)程大夏修 李御 李吉纂  
清康熙二十一年(1682)刻本  
四册

原件书号

25225-281

原件状况

原件有部分字迹模糊

本部书共摄制 1 卷 卷一至卷四

版权所有 不准复印

# 本部书完

本片卷含： 卷一至卷四